


# NSUNGI YA DIBUUNDU YA PHILADELPHIE

 Mpangi mosi ya bakala kwendaka mpe bakilaka munu, tarte aux cerises ya nene. Mu ke tuba na beno, ya ke futaka na kusalaka ba-insinuation. Mpe yandi tubaka, “Ya munu. . .” Wapi mutindu samu na yawu, Mpangi Neville? Yandi yayi. Beno me mona? Ya ke talana mutindu ti tarte aux cerises kele mutindu ya kuzola mingi. Ya kele kieleka mbote. Kaka mutindu mu ke tubaka na ntangu beno ke kudyaka tarte aux cerises, ntangu yayi, bantangu yankaka beno ke kuma na mbuma. Ntangu yayi, mu ke—mu ke losa ve tarte, mu ke losa kaka mbuma mpe ke landila na kudya tarte aux cerise.

<sup>2</sup> Ya kele mutindu mu zola beno kusala na bansangu yayi. Ntangu beno ke kuma. . . Beno landila kaka na munu, ntangu beno ke tuta kima ti beno lenda ve—lenda ve kieleka kaka kumina yawu, oh, mbote, kaka. . . beno losa ve kima nyonso ya muvimba, beno losa kaka kitini yina (mbuma), mpe beno landila kaka na kudya tarte aux cerises. Mbote, beno tala mutindu ya kusala. Uh-hum.

<sup>3</sup> Ntangu beno. . . Beno ke zolaka nsusu, nsusu ya kukalinga? Na kutala muntu nyonso ke zolaka yawu. Mbote, na yina, ntangu beno ke kudyaka nsusu, kana beno tuta mukwa, beno ke losa ve nsusu, beno ke losaka kaka mukwa. Pat, ya kele kieleka? Beno ke losa kaka mukwa, ke landila na kudya nsusu.

<sup>4</sup> Mbote, beto kele na kyese samu ti beto lenda kudya Madya yina kele ve na mukwa to mbuma na kati ya Yawu. Mampa yina katukaka na Mazulu, yina ba ke bokilaka “Mani,” nyonso vwandaka na luwu ya Mazulu.

<sup>5</sup> Beno zaba, mu banza ya vwandaka David kilumbu mosi tubaka, “Ya vwandaka pesa luwu mutindu bwiki na ditadi.” Mu banza musoniki powezi tubaka, “Ya vwandaka Bwiki na Ditadi.” Oh, mpangi ya munu, beno me mekaka. . . beno me mona. . . mutindu. . . ke pesa ntomo mutindu bwiki na ditadi. “Bwiki na Ditadi, mpangi ya munu.” Ya kele mutindu ya kele.

<sup>6</sup> Ntangu yayi, beno zaba, mu—mu kumiyufulaka kilumbu mosi yinki ya zolaka kutuba, “bwiki na ditadi.” Mpe mu banzaka, “Mbote, ya lendaka vwanda ti bawu talaka yinzo ya banyosi kilumbu mosi na ditadi.” Kasi mu sukaka na kuzaba yawu, mu kuzwaka mwa lutwadusu ya kimpeve na zulu ya yawu. Mu. . . Ve na ntangu yina mu vwandaka sosa yawu, kasi bilumbu na manntwala mu talaka ti mosi na mosi ya bawu bamvungi yina vwandaka na mameme. . . Ya kele na kima na

yawu, beno zaba, banzutu ya beto kele ya kusala na fundu-fundu ya ntoto. Kima nyonso—nyonso ya moyo ke katuka na ntoto. Mpe ya vwandaka na bamvungi yayi, yina vwandaka kwikila ti calcaire ke sadisaka dimeme ntangu yandi zolaka vwanda na kima mosi ke tambula ve na yandi, beno zaba, kubela, to kima yankaka. Bawu vwandaka zola ti yandi kupela ditadi. Beno me monaka dimeme kusala yawu, kukwenda kupela ditadi. Mpe samu na kunata dimeme kupela ditadi, bawu zolaka tsyamuna mwa bwiki na ditadi. Mpe kuna dimeme zolaka kwenda kupela bwiki, mpe na manima yandi zolaka pela mpe ditadi, beno me mona, ntangu—ntangu yandi vwandaka pela bwiki.

<sup>7</sup> Mbote, beto kele na mbungu ya muvimba ya kufuluka na Bwiki awa. Beto ke tula yawu na zulu ya Ditadi, na zulu ya dibuundu mosi; na Ditadi, Klisto Yesu. Mpe beno mameme beno kwenda pela ntangu yayi, mpe kieleka beno—beno—beno ke—beno ke kuma mbala mosi kaka na mavimpi ya mbote. Bampasi nyonso ya disumu ke kwenda ntama ntangu beno ke pela—ke pela Ditadi. Ya kele kaka yina beno fwana sala.

<sup>8</sup> Kima mosi na yina me tala ditadi ya kele na kubeluka na yawu, kubeluka. Na bilumbu lutaka, ntete bawu kuzwa ntunga ya rage, ba vwanda sadilaka yina bawu vwanda bokilaka “madstone.” Ntangu ba vwandaka tatika muntu na yimbwa ya rage, mbote, ba vwandaka tula yandi na zulu ya madstone. Mpe ntangu yayi, kana madstone. . . Kana yandi vwandaka kangama na madstone, yandi vwandaka kuma na mavimpi ya mbote; kana yandi vwandaka kangama ve, kuna mpasi ya mbevo me kuma yimeni ntama, yandi—yandi ke kufwa.

<sup>9</sup> Na yawu ya kele mutindu ya kele bubu yayi. Kutatika ya kulutila yimbi yina mu zaba kele ve ya yimbwa ya rage, kasi ya dyabulu. Mpe beto kele na Ditadi samu na yawu, Ditadi ya Bansungi. Beno kangama kaka na Yawu. Ntangu nyonso yina beno ke kangama, beno ke vwanda na mavimpi ya mbote. Mpe ti beno ata mbala mosi ve kubika mpe kupesa mukongo, beno landila kaka ya kukangama. Beno kangama na Yawu, mpe—mpe beno ke—beno ke vwanda mbote.

<sup>10</sup> Ntangu yayi ntete beto kota na lesu ya beto ya nkokila yayi, mpe—mpe beto ke zola kaka kutelama ntangu fyoti, kana beto lenda, samu na dyambu ya kisambu.

<sup>11</sup> Nge kele ve mpangi-kento ya Robert Daugherty, ve? Awa. Yandi bokilaka munu mazono na nkokila, mpe yandi vwandaka zonza ti yandi vwandaka na nsatu ya kisambu. Mpe mu—mu vwandaka zaba ve, nge ke talana mutindu yandi, Mu vwandaka zaba ve kana nge vwandaka yandi to ve. Mu monaka nge awa mazono na nkokila.

<sup>12</sup> Ntangu yayi, bantu yikwa ke zola ba bambuka moyo na ntwala ya Nzambi, to ke zola Nzambi kubambuka moyo na bawu, na kisika? Kaka. . .

<sup>13</sup> Tata ya Mazulu, mutindu—mutindu ntwadisi minkunga ya beto ya ntwenya na Chicago vwanda yimbaka, “Bambuka moyo na munu ntangu masa ya meso ke na kubwa,” Mfumu, bambuka moyo na munu ntangu yayi. Na ngunga ya lufwa, na . . . nzila nyonso na luzingu, beto ke zola Nge kubambuka moyo na beto, Mfumu. Bambuka ve moyo na beto mutindu misumuki, na yina mutindu beto kele, kasi beto ke zola Nge kubambuka moyo na beto mutindu Miklisto me funguna masumu; ti beto me ndima Yesu Klisto, Mwana ya Nge, mpe Mvulusi ya beto, samu na ya beto. . . na kuvwanda munkayulu ya beto samu na masumu ya beto. Ti, beto zaba ti ya kele kaka—kaka siansi yina kele na beto, nzila kaka, yina kele kaka mpulusu. Ya kele ve na nzila ya dibuundu mosi to na nzila ya mutindu mosi yankaka ya mekaniki, to organisation mosi, kasi na nzila ya Yesu Klisto, mpe Yandi kaka.

<sup>14</sup> Na yawu beto ke belama na Nkumbu ya Yandi na nkokila yayi, na kulombaka ti Nge ke sakumuna beto na yina beto me vukana kintwadi samu na kulongoka Ndinga ya Nge mpe samu na kuzaba yina Nge kele na yawu na kibumbulu samu na beto, na nkokila yayi. Ti beto lendaka tunga banzutu ya beto—ya beto ya kimpeve na Dibuundu ya moyo. Dibuundu kisika Nge lendaka zinga, mpe kutambula, mpe ke kuwa mbote mingi, na kutambulaka na kati-kati ya bantu ya Nge, na kutubaka na beto yinki ya kusala, mpe kuzaba ti beto ke sala yawu na nswalu.

<sup>15</sup> Mpe beto zola Nge, Tata, kasi beto zaba ti beto kele kieleka ntete ve ya kulunga ti Nge lendaka zonzila na beto kaka mutindu Nge zola. Na yawu beto ke sambila ti Nge ke zenga, ya kele, kuzenga bulawu nyonso yayi, nsuni nyonso yina me lutila na beto na nkokila yayi, ti beto lendaka vwanda ya muvimba ya kupesa na Nge, ti Nge lendaka sadila beto ntangu nyonso. Mpe beto ke sambila ti ntangu yango ke vwanda na nkokila yayi, Tata, ti Nge ke sadila beto na kubasisa ba-pepite yayi ya Biblia mpe kulengula yawu mpe kubika bantu kumona kifwani ya Klisto na nsungi yayi ya nene ya dibuundu. Beto ke lomba yawu na Nkumbu ya Yesu. Amen.

<sup>16</sup> Ntangu yayi, beto me tala bansungi ya dibuundu awa, nzila nyonso tii na nsungi ya dibuundu ya nkokila yayi, yina kele nsungi ya dibuundu ya sambanu. Mbasi na nkokila kumanisa bansungi ya dibuundu; na kubakaka mosi konso nkokila, Kilumbu ya ntete tii Lumingu. Mpe na nkokila yayi, nsungi ya dibuundu kele ya kubokila Nsungi ya Dibuundu ya Philadelphie. Mpe mbwetete to munati-nsangu, wanzio-munati-nsangu na nsungi ya dibuundu yina, beto ke kwikila, na nene, na ntima ya beto nyonso, ya kele John Wesley. Nsungi ya dibuundu kubandaka na mvula 1750 ntangu nsungi ya dibuundu ya Luther vwandaka manisa mpe bakaka bilumbu tii kisika mosi na mvula 1900, pene ya mvula 1906 ya ntangu ya beto, Nsungi ya

Dibuundu ya Wesley. Mpe na manima, kukatuka yawu kukota, na Laodicée.

17 Mpe ntangu yayi nsungi kele nsungi ya . . . nsungi ya dibuundu ya “luzolo ya bampangi,” nsungi ya nene ya “bumisionaire” mpe nsungi ya “kielo ya kuzibuka.” Mpe musendo vwandaka dikunzi, “kukuma dikunzi,” mpe luzayikisu ya bankumbu tatu: nkumbu ya Nzambi, nkumbu ya Mbanza ya Nzambi, mpe nkumbu ya malu-malu ya Nzambi, ya kele luzayikisu yina pesamaka na dibuundu yayi na nsungi yayi. Mpe ntangu yayi, dibuundu . . . Nsungi yayi ke banda na Apocalypse 3:7, tii nzila ya 13, mpe nzila ya 13 na kati mpe, Apocalypse 3:7 tii 13.

18 Ntangu yayi, beto vwandaka tala dyaka bayayi mwa fyoti na nkokila, na kuvutukilaka. Mpe nsungi ya dibuundu ya ntete, vwandaka Nsungi ya Dibuundu ya Ephèse. Muntu lenda tuba kaka nani wanzio to Nsemo (mulongi) ya nsungi yango ya dibuundu vwandaka? Paul. Nsungi ya Dibuundu ya Ephèse, mvula 55 ya ntangu ya beto na mvula 170. Ya kele samu na yina mu bakaka mvula 55, ya kele ntangu yandi bandaka zyetolo ya kisalu ya yandi, mpe ya vwandaka kuna ntangu yandi tulaka dibuundu ya Ephèse mpe—mpe mabuundu yankaka na bisika kuna.

19 Mbote mingi, nsungi ya dibuundu ya zole vwandaka Smyrne. Muntu lenda bambuka moyo na yina wanzio ya nsungi ya dibuundu yango vwandaka, muntu mosi na kati ya kalasi? Irénée, ya kele kieleka. Mbote mingi, ya vwandaka mvula 170 na mvula 312.

20 Nsungi ya dibuundu ya tatu vwandaka Nsungi ya Dibuundu ya Pergame. Muntu lenda bambuka moyo, na kati ya kalasi, nani vwandaka santu ya nsungi ya dibuundu yango? Santu Martin, ya kele kieleka. Katuka mvula 312 na mvula 606.

21 Mpe kuna nsungi ya dibuundu yina landaka vwandaka Thyatire. Muntu lenda bambuka moyo na santu mpe munati-nsangu, wanzio ya nsungi yango? Colomban, ya kele kieleka. Mpe yina kele mvula 606 na mvula 515.

22 Yina vwandaka landa vwandaka Sardes, ya vwandaka mazono na nkokila. Mpe muntu . . . kieleka, beno zaba yina wanzio ya nsungi yango ya dibuundu vwandaka. Beno ke bambuka moyo? Martin Luther. Mpe kuna ya yandi vwandaka mvula 1520 tii kuna mvula 1750.

23 Mpe na nkokila yayi beto kele na Nsungi ya Dibuundu ya Philadelphie; yina kele John Wesley, munati-nsangu ya kilumbu yango. Katuka mvula 1750 na mvula 1906 ya ntangu ya beto, mpe ya kele nsungi ya “zola ya bampangi.”

24 Ntangu yayi, beto monaaka ti mosi na mosi ya mabuundu yayi, bansungi ya dibuundu, ke lakisa mutindu ya dibuundu

yina. Ya—ya vwandaka tuba yina dibuundu vwandaka mpe bankadulu ya dibuundu, mutindu, na kisika, ya dibuundu.

25 Ntangu yayi, mazono na nkokila vwandaka Martin Luther. Mu. . . na bayayi, mu kele. . . Ya kele samu na yina mu ke na kubakaka yayi mpe bantu ke na kutulaka yawu na bande. . . Mu ke na kutangaka kilumbu ya muvimba. mpe beno ke tuba, “Kilumbu ya muvimba na zulu ya disolo ya fyoti kaka nge me pesa awa?” Ve. Mambu me tala masolo ke kota na buku, beno me mona. Yayi awa, mu kele. . . yawu yina me kwiza awa, kele samu na kuzwa bima yayi kubasika na nzila ya lutwadusu ya kimpeve na kutelama na ntuala ya beno bantu, kisika beto ke vukanaka samu na kuzwa kitini ya yawu ya kimpeve. Disolo, mu lenda tanga yawu na buku. Kasi yayi kele kisika mu ke sosaka lutwadusu ya kimpeve, na yina beto ke bakaka yawu na bande. Na manima beto ke kuzwa—ke kuzwa. . . Kuna, na kati ya buku, beto ke kuzwa nyonso zole yina me tala masolo ya yawu mpe lutwadusu ya kimpeve mpe yina Mpeve-Santu ke pesa beto na yina beto kele ya kintwadi awa, na bisika yayi ya mazulu na Klisto Yesu. Mpe mu ke kwikila ya fwana sala mulabu mosi ya fyoti yina ke bula bansungi ya dibuundu yayi. Mpe Mfumu kupesa balusakumunu ya Yandi na yawu.

26 Ntangu yayi, . . . Mazono na nkokila, nsungi ya dibuundu, . . . ya vwandaka Nsungi ya Dibuundu ya *Sardes*, yina kieleka na Grec ba vwandaka bokila, “yandi yina kimaka,” kasi mu ke kwikila na mbangululu na Kingelezi yina kele “ya kufwa.” Ntangu yayi, ya vwandaka nyonso zole dibuundu “ya kufwa” mpe “yandi yina kimaka” samu ti ya vwandaka dibuundu yina kufwaka na yisi ya kuyala ya bupaapa na mvula 1500 kuna, to mvula 1520, ya—ya kuyala ya nene ya bupaapa yina beto ke bokilaka Bansungi ya Mudidi; kisika Buklisto vwandaka na kisika ya kulutula yisi ya me vwandaka to kieleka ke vwanda, mpe na Nsungi ya Dibuundu ya Laodicée.

27 Ntangu yayi, ya kele na kima mosi yina ke bula kuna, beno landila na kutula na dibanza ti bansungi ya dibuundu yayi bandaka, mpe nyonso yina kele na nsungi ya dibuundu mosi ya ke kwenda nzila nyonso na nsungi nyonso ya dibuundu, mpe mosi na mosi ya bansungi ya dibuundu ke luta na mosi na yankaka. Kana beno tanga disolo mbote na buku, beno ke mona.

28 Ya kele mutindu kuluta mutindu *yayi*, na kulutaka na mosi na yankaka. Mpe nsungi mosi ya dibuundu ke luta, mpe wanzio yina ke kwiza na kati-kati kuna ke bokila dibuundu yina na kuvutuka na lukwikilu yina yawu zimbisaka kilumbu. Ya ke vwandaka ntangu nyonso yina.

29 Beno tala Jude, buku ya nsuka na Biblia, beno me mona, ntete beno kuma na Apocalypse kuna. Jude ke tuba, “Mu sonikaka na—sonikaka na beno ti beno lenda na mutindu ya ngolo kunwana samu na Lukwikilu yina pesamaka mbala mosi

na basantu.” Kuluta na zulu, na kati-kati ya bantumwa mpe nkwezulu ya Luzayikisu, samu ti mingi ya bantumwa kufwaka kuna. Beno me mona, bawu kwendaka. Mosi yina vwandaka moyo na ntangu yina, ya vwandaka Santu Jean, ya ntumwa, yandi kele mumoni to musoniki yina kuzwaka Luzayikisu na wanzio ya Mfumu samu na kusonika Buku ya Apocalypse.

<sup>30</sup> Ntangu yayi, beno me mona, bawu vwandaka luta na ya mosi na yankaka. Na yawu beno. . . Mu banza ti beno me tala yawu mpe me sonika yawu, na kwendaka na ntwala, landila mutindu mu vwandaka tuba yawu. Mutindu ti mpe awa na nsungi ya *Sardes*, ya vwandaka nsungi ya makwela. Kieleka, dibuundu ata mbala mosi ve kotaka kieleka na luzingu ya muvimba tii Thyatire, kasi yawu kukwelanaka na *Sardes*. Mpe *Sardes* zola kutuba “kuvwanda na makwela.”

<sup>31</sup> Ntangu yayi—ntangu yayi kana beno tala yawu kukwelanaka *awa*, mpe na manima lutaka tii na nsungi yina *kuna*. Mpe beno talaka Luther, mazono na nkokila, kubasika na nkumbu “ya kufwa”, nkumbu ya kufwa, mpe dyaka “yandi yina kimaka.” Beno me mona, ya vwandaka dibuundu ya kufwa na bilumbu yina *awa*, mpe kukima ya mwa bayina bikanaka bayina ba basisaka na nsungi yayi *awa*.

<sup>32</sup> Mpe na nkokila yayi na yina beto ke sukisa na nsungi ya Philadelphie, ya ke kotisa kubanda ya nsungi ya Laodicée.

<sup>33</sup> Na yina mbasi na nkokila ntangu yawu ke basika na . . . kaka na nsuka, beno tala, wanzio ke monika kaka na nsuka ya ntangu (mpe kaka na ntangu ya nsuka) samu na kusemba dibuundu samu yawu zimbisaka zola ya yawu ya ntete mpe mutindu yawu kwendaka ntama na Nzambi mutindu bawu salaka nzila nyonso kuna, na bansungi. Mpe, na ntangu yina, Enlevement ke kwiza nata Dibundu na Yinzo, Dibundu ke kwenda na zulu kaka na ntangu ya Nsangu. Mpe na yawu beto ke—beto ke na kubelamaka na nsungi yina ntangu yayi. Beno me bakula yawu? Mbote mingi. Beno me mona? Mbote mingi. Beno me mona, kaka na ntangu wanzio ya dibuundu (munati-nsangu ya nsungi) ke kota samu na kusemba bawu na kuzimbisaka luzolo ya bawu ya ntete, ke nata . . . na kumekaka na kuvutula bawu.

<sup>34</sup> Kima mosi munati-nsangu ke sala na nkokila yayi, wanzio-munati-nsangu ke kwiza dyaka samu na kusemba bawu (konso nsungi mutindu yina) samu na yina bawu salaka. Na yawu yina ke sala na kulutaka na mosi na mosi ya bansungi ya dibuundu, luta kaka na mosi na yankaka mutindu yina. Mutindu kumata kikalu, yawu ke luta bitezo mutindu *yina*, na kumataka.

<sup>35</sup> Ntangu yayi mu kele kaka na kitini ya nkufi ya disolo awa na zulu ya munati-nsangu ya nkokila yayi, ya John Wesley. John Wesley vwandaka mbwetete ya nsungi. Mpe yandi kubutamaka na kilumbu ya 17 ya Ngonda ya sambanu, na mvula 1703, na Epworth Rectory, na Angleterre. Yandi vwandaka mwana ya

kumi na tanu na kati ya bana kumi na yivwa. John mpe Suzanne Wesley, vwandaka tata mpe mama. Tata, mulongi; mama, muntu ya santu ya kupesama; ata na bana kumi na yivwa ya kukipe, yandi vwanda kuzwa ntangu mingi na kati ya kilumbu ya yandi yina vwanaka ya bisalu mingi na kulonga bana ya yandi baleso ya Biblia mpe masolo ya Biblia mpe kusambila samu na bawu. Ya kele yina salaka bana yina bawu vwanaka. Musoniki ya nene ya bankunga, Charles, mpangi ya yandi ya bakala, yandi yina pesaka yinza mwa mingi ya bankunga ya kimpeve yina beto me kuzwaka ntete.

<sup>36</sup> John, mpangi ya kisalu ya George Whitefield. John—John Wesley mpe George—George Whitefield vwanaka kieleka ba-fondateur ya ntete ya ba-Méthodiste yayi. . . to ya kusantisama.

<sup>37</sup> John vwanda vumbukaka na suka-suka konso suka; bamvula makumi sambanu yandi kutelamaka konso suka na ngunga ya yiya. Ya kele kima mosi dibuundu me kubwa. Vwanda vumbuka konso suka na ngunga ya yiya, mpe ke longa na ngunga ya tanu na suka bamvula makumi tanu mbala mosi. Mpe bantangu yankaka yandi vwanaka longa bambala zole to yiya na kilumbu. Ya kele ya kutuba na bantu na Angleterre, ti, “Yandi vwanaka nata mpunda mafunda yiya na bankama tanu ya ba-mile ya Kingesi konso mvula, samu na kulonga Nsangu ya mbote.” Mafunda yiya na bankama tanu ya ba-mile na . . . Ya kele ba-mile ya Kingesi, beno zaba, ya kele yinda mingi kulutula na ya beto; samu na kulonga Nsangu ya mbote.

<sup>38</sup> Mingi ya babuku ya yandi . . . na kilumbu ya yandi vwanaka ya kusonika na tubilaka yimbi ya yandi, ba vwanaka tuba yimbi ya yandi, na kusekaka yandi. Kasi ntangu yayi bawu me zimbanaka yawu, mutindu mosi na bamfumu ya bawu. Beno lenda ve kusala kima mosi na kuteleminaka mwana ya Nzambi mpe kuluta na yawu, beno kaka—beno ke nwana kaka na mupepe. Nzambi ke sala kaka bawu kusabuka, na mutindu nyonso.

<sup>39</sup> Yandi vwanaka ya kubokila Méthodiste samu na mitindu ya yandi ya kusala bima. Ya kele ya kutuba, “Na ntangu ya luzingu ya yandi,” ti, “yandi longaka ya kulutula mafunda yiya ya malongi.” Beno banza na yawu: malongi mafunda yiya. Ntangu fyoti na manima ya kukwenda ya yandi na mvula 1791, dénomination ya ba-Méthodiste bakaka misisa ya yawu na yinza mpe bandaka dibuundu ya ba-Méthodiste. Kuna, kieleka, Asbury mpe mingi dyaka vwanaka kuna na ntangu yina.

<sup>40</sup> Ntangu yayi, kana beto tala, kupesa mbote na dibuundu yayi; na yina beto ke banda ntangu yayi na nzila ya 7, munati-nsangu ya Philadelphie. Dibuundu ya kieleka na kati—Dibuundu ya kieleka na kati ya dibuundu ya nkumbu. Ya vwanaka Dibuundu ya kieleka na nkumbu.

. . . na wanzio ya dibuundu ya Philadelphie sonika; . . .

41 Mu vwandaka me benda dibanza ya beno na kuluta na zulu ya mosi na mosi, awa. Ntangu yayi, beno ke kuzwa awa, wanzio. . . kana beno ke tala mbote mutindu yandi kotisaka nsungi ya. . . nsungi ya ba-Méthodiste kuluta, mpe ke luta mwa fyoti na Philadelphie. . . to na Laodicée, nsungi ya Pantekote. Na manima, mbasi na nkokila, munati-nsangu ya Pantekote ke kwiza dyaka samu na kusemba bayayi na kubwaka, kaka mutindu nsungi yayi kusembaka bawu na kubwaka dyaka awa na Sardes (na nsungi ya Luther), na kulutaka.

42 Zola ya bampangi. Ya vwandaka nsungi ya nene ya ba-missionnaire mpe kumwangisa nsangu ya mbote. Yinza me monaka ntete ve ntangu ya mutindu, ya ke luta mpe na ntangu ya beto ntangu yayi, ti, ntangu yinza me monaka ntete ve ntangu mosi ya mutindu ya ba-missionnaire bisika nyonso. Na nsuka. . . Oh, mu ke tuba nkama mpe makumi tanu ya bamvula ya nsuka, ya me vwanda mosi ya kulutila ya bantangu ya mutindu ve ya disolo ya yinza samu na ba-missionnaire na kukwendaka bisika nyonso ya yinza na Nsangu ya mbote. Ya me vwanda. . .

43 Landila na mutindu ya kieleka—landila na mutindu ya kieleka, na kukwendaka kaka, kufidisa nsangu ya Nsangu ya mbote na mikanda mpe ba-tracte mpe babuku mpe nyonso yina, Nsangu ya mbote bilumbu ntama me kwenda na yinsi nyonso yina kele na yisi ya mazulu, bilumbu mingi me luta. Na yawu, beno ke mona, yina ke kwenda na kulakisa ti yina vwandaka ve yina Yesu vwandaka zonzila. Yandi ata mbala mosi ve tubaka, “Beno kwenda na yinza nyonso mpe beno sala balukolo ya Biblia.” To dyaka ti Yandi tubaka, “Beno kwenda na yinza nyonso mpe beno kabula mikanda.”

44 Bima yina kele mbote, kasi ksalu ya Yandi na Dibuundu vwandaka, “Beno kwenda na yinza nyonso mpe beno longa Nsangu ya mbote.” Mpe Nsangu ya mbote kele nyonso ve Ndinga, kasi Yawu ke salaka Ndinga kukuma Luzingu. Beno me mona? Samu ti Yesu tubaka, na mbala mosi, “Bidimbu yayi ke landa bawu yina ke kwikila.” Beno zaba, Marc 16, ksalu ya Yandi ya nsuka—ya Yandi ya nsuka na Dibuundu vwandaka, “Bidimbu yayi ke landa bawu yina ke kwikila.” Ksalu ya Yandi ya ntete na Dibuundu, na Matthieu kapu ya 10, vwandaka, “Beno belusa bambevo, beno vumbula bantu ya kufwa, beno basisa bampeve ya yimbi; mutindu ya mpamba beno kuzwaka, beno pesa ya mpamba.” Mpe Nsangu ya Yandi ya nsuka na Dibuundu vwandaka, “Beno kwenda na yinza nyonso mpe beno longa Nsangu ya mbote na ngidikulu nyonso. Yandi yina ke kwikila mpe kele ya kubotama ke kuzwa mpulusu, yandi yina ke kwikila ve ke vwanda ya kubedisa, mpe bidimbu yayi ke landa bawu yina ke kwikila.”

45 Ya kele ve ya kubaluka ti mingi zengaka kitini yina kuna? “Mpe” kele muvukisi-bampova yina ke vukisaka flaze kintwadi, beno me mona. Ntangu yayi, Yandi tuba, (Mingi ya milongi ke



tuba, “Kwenda longa Nsangu ya mbote.”) “Yandi yina ke kwikila mpe kele ya kubotama ke kuzwa mpulusu, *mpe* yandi yina ke kwikila ve ke vwanda ya kubedisa, *mpe* bidimbu yayi ke landa bawu. *Ke* landa bawu; *bawu* yina ke kwikila. Na Nkumbu ya Munu bawu ke basisa bampeve ya yimbi; bawu ke zonga na bandinga ya malu-malu. Kana bawu simba banyoka, to kunwa kima ya yimbi, ya ke sala bawu mpasi ve; kana bawu tentika maboko na bambevo, bawu ke beluka.” Bidimbu ya Nzambi ya moyo na kisalu na kati ya bantu. Oh! Tii wapi kisika ntangu yayi? Na yinza nyonso. Beno me kuzwa yawu? Yinza nyonso.

<sup>46</sup> Na yawu kuna ntangu mu ke tuba ti Nsangu ya pantekote . . . (Ve organisation ya Pantekote ntangu yayi.) Nsangu ya pantekote kele kaka Nsangu ya kieleka ya Nzambi. Ntangu yayi beno tala, Marc 16, kana beno ke na kutangaka yawu kuna. Mbote mingi, kaka awa Yesu pesaka kisalu na Dibuundu ya Yandi, “Beno kwenda na yinza nyonso; beno longa Nsangu ya mbote; bidimbu yayi: kuzonga na bandinga, kubeluka ya bambevo, kusala bimangu. . .” Yawu ke kwenda tii wapi kisika? “Yinza nyonso.” Na yikwa—na bantu yikwa? “Na ngidikulu nyonso.” Ya kele nzila nyonso tii na nsuka awa, “Tii nsuka.” Mbote mingi. Bidimbu yayi ke landa kaka dibuundu *yayi*? “Bawu yina ke kwikila, na yinza nyonso. Yinza nyonso, na ngidikulu nyonso, bidimbu yayi ke landa bawu.” Ve *yayi*, “bawu” yina ke kwikila. Na yawu ya kele Dibuundu ya pantekote. Beno me mona?

<sup>47</sup> Ntangu yayi, beto vwandaka me kota na nsungi yayi, kaka awa kisika beto kele na nkokila yayi na ya Philadelphie, *P-h-i-l*, Nsungi ya Dibuundu ya Philadelphie. Na nsungi yina kuna, bawu samunaka nsangu mpe fidisaka ba-missionnaire, na yinza nyonso ya muvimba na mikanda.

<sup>48</sup> Yesu tubaka, “Ntangu Nsangu yayi ya mbote ke longama—*Nsangu ya mbote* yayi ke longama na yinza nyonso samu na kupesa kimbangi ya Munu, kuna nsuka ke vwanda.” Mbote, kuna, kana ya vwandaka yina Yandi vwandaka zonzila, kutsyamuna mikanda, kufidisa ba-missionnaire na kulongisa bantu na kutanga, na kusonika, arithmétique, mpe kukabula ba-tracte mpe kusala bantu kupesana maboko mpe kukwikila ti ya kele na Nzambi, kana ya kele nyonso ya vwandaka, kuna Yandi lutaka ntama nkwezulu ya Yandi. Uh-huh. Na yawu ya ke lakisa ti Nsangu ya mbote . . . Paul ke tuba, “Nsangu ya mbote kwizaka kaka na mpova ve, kasi na nzila ya ngolo mpe bakutalana ya Mpeve-Santu.”

<sup>49</sup> Na yina ntangu Yesu tubaka, “Beno kwenda yinza nyonso mpe beno longi Nsangu ya mbote,” Yandi tubaka, “Beno kwenda na yinza nyonso mpe beno lakisa!” Oh, mu zola yawu. “Beno lakisa ngolo ya Nsangu ya mbote.” Na kubakaka Ndinga, ti yina Yawu me tuba, mpe kulakisa bantu yina Yawu me tuba mpe kuna kusala Yawu kotalana na bawu. Oh, ya kele mutindu. Ya ke lakisa Yawu.

50 Oh, ntangu Morris Reidhead muntu ya nene, kutelamaka kuna na kivinga ya munu kilumbu yina, mfumu ya Bisalu ya Soudan, ya kulutila nene na yinza; ntangu yandi tubaka, “Mpangi Branham, nge na kuvwandaka Baptiste, nge fwana zaba yinki kele Kieleka.”

Mu tubaka, “Biblia kele Kieleka.”

Mpe yandi tubaka, “Mbote . . .” Yandi tubaka, “Yinki kele na bantu ya Pantekote yayi?”

Mu tubaka, “Mpeve-Santu.” Beno me mona?

Mpe na yawu yandi tubaka, “Oh, mu monaka bawu kupasula ba-meuble mpe kubwisa bima.”

51 Mu tubaka “Yinga! Kima kaka yina kele, ya kele beno bantu ke kwenda na lweka beno mosi mpe beno ke vwanda ntama beno na bawu.” Bawu kele na ngolo mingi, bawu ke sala makulu ya ditoma kutambula mpe kusala kima mosi, kasi bawu ke fula yawu nyonso na mpyololo, beno me mona. Mu tubaka, “Kana bawu ke tula kaka yawu awa, bawu ke kuzwa bidimbu, mambu ya nene, mpe bimangu, mpe nyonso. Kasi bawu zaba ve yinki ya kusala na yawu, ya fwana kwenda kisika mosi, na yawu bawu ke looka kaka—kaka yawu, mpe ke fula yawu.”

52 Hmm, mu ke zola mingi kuvwanda na kufula yawu, na kisika ya kukanga yawu mpe kuzwa ve mupepe na kufula yawu. Beno ve? Mutindu kiboba yina vwanda tubaka, “Mu ke zola mingi kuvwanda na boma ya mwa ya mfinda . . . Mu ke zola mingi kuzwa mwa tiya ya mfinda kulutila na kuzwa ve ata fyoti tiya.”

53 Mpassi ya yawu bubu yayi, beto ke meka *kufikula* tiya mosi, na kutubaka, “Beno zaba, kuna na bilumbu ya Pantekote, bawu salaka *yayi*.” Ntangu yayi, wapi mbote ya ke sala na kulakisa na muntu ke na kutekita na madidi (yandi yina ke na kutekitaka na lufwa) tiya ya kufikula? Ya ke sadisa yandi ata fyoti ve. Ve. Beno fwana . . . Yandi fwana kuzwa tiya yandi mosi. Mpe kana ya kele ngolo ya Nzambi yina salaka bantu ya Pantekote kusala samu na Mfumu, mpe kusala bisalu mpe bidimbu yina bawu salaka; kana beno ke *fikula* kaka ve kizizi, kasi kunata kizizi na bukieleka na bawu, bawu ke kuzwa monosono mosi, mpulusu mosi, kukanga kimbangi ya bawu mosi mutindu *bawu* salaka. Beno me mona? Kai beno fwana kunata yawu na bawu. Beno fwana tula yawu ve na bilumbu na manima na nsungi mosi yankaka, kasi kunata yawu na zulu awa.

54 Ntangu yayi beto ke tala ti nsungi yayi ya luzolo ya bampangi vwandaka nsungi mosi ya nene ya ba-missionnaire. Yesu tubaka, “Na yinza nyonso, mpe na ngidikulu nyonso, *mpe* bidimbu yayi ke landa.”

55 Ntangu yayi, mutindu beto me tala na nzila ya disolo mpe na nzila ya Biblia, mu zola kuyufula beno, konso mpimpa ve . . . ? Beto tangaka na Biblia awa yina Yesu tubaka na Jean ti zolaka

salama, mpe kaka awa beto bakaka disolo mpe lakisaka ti ya salamaka. Kaka kieleka. Mpe ya kele samu na yina mu bakaka mutindu ya ntangu na kusosa bayayi—bantu yayi samu na kumona kisika kisadi ya Nzambi yina landila na kunata kaka Nsangu yayi, kasi yandi vwandaka kuna. Yandi vwandaka kuna, kaka mutindu Biblia ke tuba, yandi bumbaka Nsangu kaka mutindu na ntonono, salaka ata fyoti ve ya muvusu na Yawu.

<sup>56</sup> Mpe kuna beto monaka ti Yawu vwandaka pene ya kufwa, mpe Yandi bokilaka nsungi yango “nsungi ya kufwa,” mudidi, nyonso yina. Mpe na manima basikaka kaka mwa nsemo, mpe mwa ngolo dyaka, mpe kuna kotaka na pantekote (monosono ya kieleka) dyaka kaka na ntangu ya nsuka; mpe kuna ba ke zangula Kento ya makwela, mpe ntama Yandi ke kwenda; mpe Lukwamusu ke vutuka dyaka, mbote mingi, Lukwamusu ya Nene yina ke na kukwiza na ntwala ya yinza nyonso.

<sup>57</sup> Ntangu yayi nsungi ya ba-missionaire ya nene, zola ya bampangi, nsungi ya kumwangisa nsangu ya mbote. Beno bika kaka munu kutanguna beno mwa bantu ya nene (mpe na yina mu sonikaka bankumbu ya bawu awa): John Wesley; George Whitfie- . . . Whitefield, yandi vwandaka pene na mvula 1730; Charles G. Finney; Dwight Moody; William Carey, missionaire ya nene yina kwendaka na inde na mvula 1773; David Livingstone, na Afrique du Sud. Beno me mona, bawu nyonso yina, mwa bantu yango ya nene. Kaka . . . Mu kele na bankumbu ya bawu mingi awa, bantu ya nene yina zingaka na zola yango ya bampangi; ti, bandombe, mindele, baya mbwaki, baya jaune, bibaka nyonso kubwaka, mpe bantu yayi kwendaka na bilanga ya kumwangisa nsangu. Zola ya bampangi, na kupesaka diboko na bayinsi nyonso bisika nyonso, mpe ya vwandaka ya kuzibuka samu na bawu ti bawu zolaka kwenda. Nsungi dyaka ya kielo ya kuzibuka, samu ti bawu zolaka ve . . . Na ntwala ya yina bawu zolaka sala yawu ve, bupaapa mpe—mpe kipaapa ya Rome mpe nyonso yankaka yina vwandaka na yawu nyonso ya kukanga ti bawu zolaka kwenda ve. Kasi na nsungi yina bakielo vwandaka ya kuzibuka, samu ti Yandi tubaka ya vwandaka nsungi ya “kielo ya kuzibuka”.

<sup>58</sup> Ba zibulaka bakielo mingi na kati ya nsungi yango: kielo ya Nsangu ya mbote, kielo ya bilanga ya kulonga nsangu ya mbote, kielo na kuvutuka na Klisto, mpe nyonso vwandaka ya kuzibuka na kati ya nsungi yango. Mpe beno lenda mona yina bawu salaka, bankundi salaka kosalu mosi ya nene na nzila ya yawu.

<sup>59</sup> Mpe na John Wesley, mbwetete na manima ya Nsungi ya Sardes, na manima yandi me kwiza vumbula bawu na Nsungi ya Sardes, na nkama mpe makumi tanu ya bamvula me luta ba-missionaire ya nene (mutindu ya ata ntangu yankaka to nsungi na ntwala) kuvukaka yinza ya muvimba. Beno banza na yawu. Konso yinsi na yisi ya mazulu kuwaka Ndinga. Yina salamaka bamvula mingi, mingi, mingi me luta, beno me mona,

kasi Nsangu ya mbote ve, kaka Ndinga, “Mukanda ke kufwaka kasi Mpeve ke pesaka Luzingu.” Benó me mona?

<sup>60</sup> Ntangu mu telamaka na Afrique du Sud, kuna na estrade kilumbu yina, mpe kumonaka kuna vwandaka mafunda na mafunda ya kuvwanda kuna, ba-Musulman. Mpe mu kutanaka na missionnaire mosi ya Musulman. Mpe missionnaire yayi ya Musulman tubaka, “Oh, samu na moyo yina ya ntalu.” Ntangu yayi, muntu yina vwandaka kuna bamvula mpe bamvula, mpe ndimisaka Musulman mosi na Klisto. Samu ti ba-Musulman basikaka na Médo-Perses, na yina misiku ya bawu ke sobaka ve to dyaka ti yawu ke kuzwaka nsobolo; ntangu bawu kele Musulman, bawu kele Musulman samu na bilumbu nyonso.

<sup>61</sup> Na yawu kuna bawu vwandaka na moyo mosi yina mpangi yayi ya bakala vwandaka zonzila, ya kutelama kuna na ngaanda ya lupangu na Prétoria, na mbanza-kimfumu ya Afrique du Sud. Ya kele kuna na—na mbanza ya kimpwanza, na mbanza ya kimpwanza, mbanza ya Orange, mpe kuna na Transvaal.

<sup>62</sup> Mpe beto kwendaka katuka kuna, na Cape town mpe Bloemfontein, mpe na kulandaka nzila yina; mpe vutukaka na Grahamstown, East London, mpe dyaka na . . . kuvutukaka dyaka na Johannesburg na manima beto katuka Cape town, mpe beto mataka mukidi.

<sup>63</sup> Mbote mingi, mbanza ya nsuka beto kwendaka vwandaka Durban, kisika beto vukisaka mingi ya bantu ya bwala, ya vwandaka na nkama mpe makumi tanu to nkama ya mafunda ya bantu ya bwala ya kuvwanda kuna, ba-Musulman, bantu ya bwala, beto vwandaka . . . bawu zolaka . . . bakaka basabala na kutambula . . . hippodrome, ya nene mingi kulutila na Churchill Downs, ya zole ya kulutila nene na yinza; Londre kele na ya kulutila nene, Afrique du Sud, mpe—mpe Churchill Downs. Kuna ba vwandaka na bibaka samu ti ba vwandaka na mvita ya bandinga, mpe bapulusu (bankama zole to tatu ya mikengi) vwandaka ya kutelama kuna vwandaka nata mosi na mosi ya bandinga na kati ya bibaka samu bawu nwana ve mosi na yankaka, mpe katulaka bawu binwanunu ya bawu, na madyonga mpe matolo-tolo ya bawu, mpe nyonso yankaka yina bawu nataka. Ya kuvwanda na ntoto kuna, na kutalaka na nzila ya kibaka mosi na yankaka, mpe bamvita ya bandinga. Bamfumu ya bawu na zulu . . . ba nangulaka bawu na . . . muntu na eventail ya nene vwandaka sala bawu mupepe mutindu yina, na bantinu ya kento. Ntinu ya kento ya Rhodésie kwizaka kuna na matoma ya kufulukana na makumi zole na sambwadi to masini to ba-wagon ya kufulukana na bantu katukaka Rhodésie, samu na kwiza na lukutakanu. Mpe masini ya mutindu yankaka ve kwizaka.

<sup>64</sup> Mfumu vwandaka sala bima ya nene, mambu ya nene ya ngitukulu mpe bidimbu. Mpe yinki beto kuzwaka? Sidney Smith, mfumu ya mbanza ya Durban; vwandaka luta kuna kilumbu

yango, mu tubaka, “Yinki kele muntu yina. . . mwa kidimbu yina na laka ya yandi, na ziunga?” Muntu-ndombe, mutindu beto ke bokilaka yawu awa, muntu ya ndombe. Ya kele samu na yina mu vwandaka kuna na kulonga. Mpe mingi ya bawu kulwataka ata kilele fyoti ve, kima ve, babakala to bakento. Na yawu kuna, yandi vwandaka na kiteki na diboko ya yandi mpe yandi vwandaka na mwa kidimbu na laka ya yandi. Mu tubaka, “Yinki kele bawu. . . bidimbu yina na laka ya bawu kele samu na yinki?”

Yandi tubaka, “Bawu kele Miklisto.”

Mu tubaka, “Muklisto? Na kiteki na diboko ya bawu?”

<sup>65</sup> Yandi tubaka, “Mbote, ntangu yayi, Mpangi Branham, mu. . . yandi kele Songhaïs,” yandi tubaka, “Mu lenda zonza ndinga ya yandi.” Yandi tubaka, “Beto ke belama kaka kuna, mpe nge zonza na yandi, lomba yandi nyonso nge zola. Zonza kaka mutindu nge zolaka yufula yandi mwa bakyuvu, mu ke yufula yandi mpe ke tuba na nge yina yandi me tuba.”

<sup>66</sup> Na yawu mu tubaka, “Mbote, Thomas.” Mu bokilaka yandi Thomas samu ti mu banzaka ti ya vwandaka nkumbu ya mbote ya kulunga samu na yandi. Mpe mu tubaka—mu tubaka, “Mbote—mbote, Thomas.” Mpe yandi talaka munu. Mpe mu tubaka, “Nge kele—kele Muklisto?”

“Yinga,” yandi—yandi vwandaka Muklisto.

<sup>67</sup> Mpe mu tubaka. . . Oh, kieleka, yandi zabaka munu ve. Yandi ata mbala mosi ve kuzwaka. . . ata mosi ya bawu mbala mosi kumonaka beto ntete. Na yawu mu tubaka, “Yinki nge ke na kusalaka na kiteki yina?”

Yandi, “Oh, tata ya yandi—ya yandi vwanda vwandaka na yawu.” Beno me mona, ya vwandaka—ya vwandaka nzambi. Beno me mona?

<sup>68</sup> Mpe mu tubaka, “Ya. . . Tata ya nge vwanda vwandaka na yawu.” Mu tubaka, “Mbote, ya—ya kele ve dyambu samu na nge na kuvwanda na yawu. Nge kele Muklisto, nge zolaka vwanda na yawu ve.”

<sup>69</sup> Yandi tubaka, “Mbote, kilumbu mosi nkosi landaka tata ya yandi, mpe yandi salaka tiya ya fyoti mpe salaka kisambu yina nganga-nkisi tubilaka yandi, na zulu ya kiteki yayi, mpe kiteki kimisaka nkosi.” Bibulu ke kufwa mingi ya bawu kuna. Mpe yandi. . .

<sup>70</sup> Mpe mu tubaka, “Tala, ya—ya vwandaka ve kisambu yina nganga-nkisi tubaka na nge, ya vwandaka tiya yina kimisaka nkosi.” Mu tubaka, “Nkosi kele na boma ya tiya.” Mpe mu tubaka, “Mutindu Muklisto, Thomas, nge fwana vwanda ve na yawu. Nge fwana vwanda na kima ve ya kusala na yawu.”

<sup>71</sup> Mpe yandi tubaka, “Oh, mbote,” yandi tubaka, “kana Amoyah. . .” Ya kele ngolo yina ke monanaka ve, Nzambi

ya beto yina beto ke monaka ve. *Amoyah* zola kutuba kima, “ngolo mutindu mupepe.” Yandi tubaka, “Kana—kana Amoyah kulembana, yayi ke lenda ve.” Na yawu yandi zolaka vwanda na bawu zole, “Kana mosi tambula ve, yankaka yina ke tambula.” Ntangu yayi, ya kele ngolo ya Buklisto. Uh-hum. Yinga. Oh, la la.

<sup>72</sup> Kasi kuna na manima ya midu yango, ntangu Mpeve-Santu kulumukaka na lukutakanu na hippodrome mpe bandaka na kumonikisa mansweki ya ntima, na manima mu me baka Masonuku. . .

<sup>73</sup> Pene ya ngunga mosi, kisika kieleka ya zolaka baka munu baminuti kumi na tanu, samu ti bawu vwandaka na mitendudi makumi na tanu samu na tuba yawu. Na yawu mu—mu zolaka zonza mutindu, “Yesu Klisto Mwana ya Nzambi”; mpe yandi *yayi* ke tuba, “ah, ba, ba, ba, ba”; mpe yandi *yayi* ke kwenda, “glu, glu, glu, glu”; mpe *na manima*, “um, um, um,” mutindu yina; nyonso vwandaka zola kutuba “Yesu Klisto Mwana ya Nzambi”; na mitendudi. Mpe mu zolaka sonika yina mu vwandaka tuba na nsuka, mu zolaka zaba ve kisika mu vwandaka, mpe kuna kuingila tii bawu zolaka manisana.

<sup>74</sup> Mpe kuna ntangu mu vwandaka vutuka, mu vwandaka tuba, “Ntangu yayi, missionnaire tubaka na beno na Yesu mosi yina kwizaka samu na kuvulusa beno.” Beno zolaka tala bawu kutala mosi na yankaka, beno zaba, bandinga ya mutindu na mutindu, nzila nyonso mpe mutindu yina. Mu tubaka, “Missionnaire tubaka yawu na beno. Kasi missionnaire yina. . . Na kutangaka Buku yayi, beno monaka kuna kisika Yandi vwandaka Munganga ya nene mpe tubaka ti Yandi zolaka zinga na nsungi na kati ya bantu tii Yandi ke kwiza dyaka? ‘Bisalu yina Mu ke sala beno mpe ke sala.’ Beno bayina me ndimaka yimeni Klisto mutindu Mvulusi ya beno, na bidimbu yina, beno ke zola kumona Yesu kuvutuka awa bubu yayi mpe kutambula na nzila ya bantu mpe kusala kima mosi Yandi salaka ntangu Yandi vwandaka awa na zulu ya ntoto?”

<sup>75</sup> Oh, bawu nyonso, “Kieleka!” Bawu zolaka kumona yawu, beno me mona. Bawu zolaka yawu.

<sup>76</sup> Mu tubaka, “Na yina kana Yandi sala yawu, kusadila beto awa na kusala kima mosi yina Yandi salaka ntangu Yandi vwandaka awa na zulu ya ntoto, beno ke kwikila Ndinga ya Yandi?”

“Oh, kieleka!” Beno me mona, ba-Musulman vwandaka ya kuvwanda kuna.

<sup>77</sup> Ya ntete. . . muntu ya zole na estrade vwandaka kento ya Musulman. Mpeve-Santu zonzaka, mu tubaka na kento munu mosi, mu tubaka, “Ntangu yayi, nge zaba mu zaba nge ve, mu ke zonzaka mpe ve ndinga ya nge.” Mpe yandi ndimaka yawu.

<sup>78</sup> Yandi vwandaka na ditona ya mbwaki kaka na kati-kati ya meso ya yandi awa, yina zolaka kutuba ti yandi vwandaka

Musulman ya kieleka. Na yawu, mu tubaka, “Mbote, ntangu yayi, samu na kubelusa nge, mu lenda ve kubelusa nge.” Kasi mu tubaka, “Nge me bakula . . .Nsangu, yina mu me tuba na manima ya midi yayi?”

<sup>79</sup> Mpe yandi—yandi me tubaka na mutendudi ya Musulman ti . . .Yandi vwandaka muntu ya Inde, ya kele yina yandi vwandaka. Yandi tubaka, “Yinga, yandi bakulaka yawu. Yandi tangaka Ngwisani ya Malu-malu.” Oh, yinga. Uh-hum.

<sup>80</sup> Beno me mona, bawu ke kwikila na Nzambi, mpe. Bawu kele nkuna ya Abraham, mpe. Beno me mona? Kasi yandi tubaka ti yandi “vwandaka kwikila na Nzambi,” kasi, yandi “vwandaka kwikila ti Mahomet vwandaka profete ya Yandi.” Mpe beto ke kwikilaka Yesu vwandaka Mwana ya Yandi. Beno me mona? Na yawu yandi tubaka, oh, yandi—yandi “vwandaka kwikila Nzambi.”

<sup>81</sup> Mpe mu tubaka, “Na yina kana nge zaba Ngwisani ya Malu-malu mpe yina Nzambi vwandaka na kati ya bantu ya ntama, na bansungi yina lutaka, na yina Yesu, Yandi yina beto ke bokilaka ‘Klisto,’ zolaka vwanda Nzambi-profete. Yandi . . .ba kufwaka Yandi. Beno ke banza ve ti ba salaka yawu, samu ti beno ke tubaka ti yandi mataka na mpunda ya mpembe mpe kwendaka ntama. Ya kele yina nganga-Nzambi ya beno ke tubilaka beno, ti, ‘Ata mbala mosi ve ti ba kufwaka Yandi, awa. Mpe yandi kufwaka lufwa mosi ya bantu nyonso kisika mosi, bamvula na mantwala.”

<sup>82</sup> Mu tubaka, “Nge ke kwikila yawu. Kasi Yesu yayi, mutindu . . .landila Ngwisani ya Malu-malu Yandi kufwaka mpe vumbukaka dyaka, mpe fidisaka dyaka Mpeve ya Yandi na Dibundo ya Yandi.” Ntangu yayi beno me kuzwa yawu, beno me mona. Ya kele kieleka yina ba-Musulman teleminaka Billy Graham, beno me mona. Kima mosi, lutumu mosi.

<sup>83</sup> Mu tubaka, “Ntangu yayi kana . . .Mahomet ata mbala mosi ve salaka na beno nyonso mosi ya bansilulu. Kasi Yesu salaka beto nsilulu, ti bisalu mosi yina Yandi salaka beto ke sala yawu mpe. Ntangu yayi, nge ke bambuka moyo Yandi tubaka na Santu Jean 5:19, ‘Mu ke salaka kima mosi ve kana Tata lakisa Munu.’” Mu tubaka, “Ntangu yayi, kana Yesu ke kwiza mpe ke lakisa munu yina kele dyambu ya nge to yina samu na yinki nge kele awa, kutuba na beno yina kuminaka beno, yina vwandaka bilumbu ya beno ya ntama, mpe yina bilumbu ya beno na ntwala ke vwanda, mpe kana Yandi lenda tuba na beno yina bilumbu ya beno na ntwala . . . bilumbu ya beno ya ntama vwandaka, kieleka beno ke kwikila yina ke vwanda bilumbu ya beno na ntwala.”

Yandi tubaka, “Ya kele kieleka.” Beno me mona, na nzila ya mutendudi.

Mpe mu tubaka, “Mbote mingi, ti Yandi sala yawu.”

<sup>84</sup> Mpe ba-Musulman yango bawu nyonso kutelamaka, na kutalaka mbote, beno zaba. Mpe ntangu Mpeve-Santu tubaka, “Bakala ya nge, kele muntu ya nkufi, ya ngolo, na mandefo ya ndombe. Nge vwandaka na dokotolo, pene ya bilumbu tatu me luta.” Mu tubaka, “Nge kele na bana zole. Yandi pesaka nge kizama ya kusala ya bakento, yandi tubaka, ‘Nge kele na kyste na kikutulu.’”

Yandi me tala na yisi, me kulumusa yintu ya yandi, yandi tubaka, “Ya kele kieleka.”

<sup>85</sup> Mpe mu tubaka, “Ntangu yayi, kana nge tangaka Ngwisani ya Malu-malu, ya kele ve mutindu Yesu Klisto tubaka na kento na dibulu ya maza?”

“Ya kele kieleka.”

<sup>86</sup> Mpe mu tubaka, “Mbote, samu na yinki nge me kwiza na munu mutindu Muklisto? Samu na yinki nge me kwenda ve na profete ya beno ya Musulman?”

Yandi tubaka, “Mu banza nge lenda sadisa munu.”

<sup>87</sup> Mpe mu tubaka, “Mu lenda ve kusadisa nge. Kasi kana nge ke ndima Yesu yayi Yina kele awa ntangu yayi, Yina zaba luzingu ya nge mpe zaba nyonso ya nge, Yandi ke sadisa nge.”

Yandi tubaka, “Mu me ndima Yesu mutindu Mvulusi ya munu.”

<sup>88</sup> Yina sukisaka dyambu. Yina vwandaka yawu. Mafunda kumi ya ba-Musulman kwizaka na Klisto na manima ya midi yango. Beno me mona? Pene ya bamvula makumi tatu na bilanga ya kulonga, mpe ya ndimisaka muntu mosi na nzila ya mikanda; na kisika, na baminuti tanu ya ntangu, mafunda kumi me kwiza na nzila ya Nsangu ya mbote yina me talana.

<sup>89</sup> Nzambi ata mbala mosi ve tubaka na beto na kutunga mabuundu, ta mbala mosi ve tubaka na beto na kusala balukolo. Ya kele nyonso ya kulunga. Balupitalu mpe nyonso yankaka, Nzambi zaba ti beto kele na nsatu ya yawu, ya kele manaka ya Yandi; kasi kisalu ya Dibuundu kele na “Kulonga Nsangu ya mbote!” Kasi beto ke kabula ba-tracte, mikanda ya Asbury, mwa kisika ya fyoti ya mbote awa yina. . . Nzambi sakumuna bantu yango, mwa lukolo yango ya nene ya ba-Méthodiste awa na Wilmore, na Kentucky, ya kele mosi ya kulutila mbote, ya mwa bisika ya kimpeve, na yinza, mu banza, na ntangu yayi. Ba kele bantu ya mbote.

<sup>90</sup> Mpe mu katukaka na . . . mu me zimbana . . . Ya vwandaka na Rhodésie, kasi mu zaba ve nkumbu ya mbanza. Billy, nge lenda bambuka moyo na yawu? [Mpangi Billy Paul me tuba, “Salisbury.”—Mu.] Salisbury, ya kele kieleka, New Salisbury. Yandi kele mabanza ya munu. Na New Salisbury, na Rhodésie. Mpe beto vwandaka katuka Rhodésie mpe mu monaka passeport Americain ntangu beto vwandaka mata mpepo, mwana mosi ya



bakala mpe bana tatu ya bakento. Mpe mu tubaka, mu belamaka na bawu, mu tubaka, “Mbote kuna.” Mu tubaka, “Mu me mona beno kele na passeport Americain.”

Yandi tubaka, “Nge ke zonzaka Kingelezi.”

Mu tubaka, “Yinga,” mu tubaka, “Mu—mu kele Americain.”

Yandi tubaka, “Mbote, ya kele mbote.”

Mu tubaka, “Beno ke na kuzyetaka.”

Yandi tubaka, “Ve, beto kele ba-missionnaire.”

Mu tubaka, “Oh, mutindu ya kele mbote!” Mu tubaka, “Kieleka mu kele na kyese na kukutana na beno.” Mpe mu tubaka, “Beno me katuka wapi kisika? Ya wapi dibuundu, to beno kele na organisation mosi, to kaka beno mosi?”

Yandi tubaka, “Ve, beto kele ba-Méthodiste. Beto me katuka na Wilmore, na Kentucky.”

Mu tubaka, “Ya kele pene-pene ya munu, na yinzo.” Mu tubaka . . .

Yandi tubaka, “Na kutala nge kele ve Mpangi Branham yina awa?”

<sup>91</sup> Mu tubaka, “Inga, tata. Ya kele kieleka.” Mpe yina—yina kangisaka kaka yandi yinwa kuna. Beno me mona. Yandi lendaka dyaka ve kuzonza. Mpe mu—mu monaka nkadulu yina yandi bakaka, yandi talaka bana yango ya bakento, ba talanaka mosi na yankaka mutindu *yina*. Mu tubaka, “Kaka minuti, mwana.” Yandi vwandaka kima ve kasi mwana ya bakala. Mpe mu tubaka . . . mpe bana ya bakento. Mpe mu tubaka, “Mu ke zola kuzonza na beno nyonso kaka minuti na yina me tala balutumumu ya Miklisto, beto nyonso kele, mpe beto kele awa samu na dyambu mosi ya nene. Mu ke zola kuyufula beno bana ya bakento tatu mpe nge ntwenya ya bakala, ‘Beno lenda na Nkumbu ya Mfumu Yesu . . .’ Beno me tuba beno kele awa bamvula zole. ‘Beno lenda lakisa munu na musapi moyo mosi yina beno me nunga samu na na Mfumu? Moyo mosi?’ Ba lendaka ve kusala yawu. Ata moyo mosi.

<sup>92</sup> Mu tubaka, “Mu zola ve kunyongisa beno, ata fyoti ve.” Mpe mu tubaka, “Mu ke na kusepela na yina beno ke na kusalaka, kasi beno bana ya bakento zolaka vwanda na yinzo na kusadisa mama ya beno na malonga. Ya kele kaka kieleka. Beno kele na ata dyambu ya kusala awa. Ya kele kieleka.”

<sup>93</sup> Mpe muntu ve kele na muswa ya kukwenda na bilanga ya kulonga kana bawu me kuzwa Mpeve-Santu mpe kulonga ngolo ya kutalana, samu ti ya kele kaka kima yina ke—yina ke ningisa bantu yango. Mpe beno tala ba-soulevement beno kele na yawu ntangu yayi mpe nyonso, ya kele samu ti Nsangu ya mbote ya kieleka me longama ve na bawu. Ya pesamaka na bawu na mutindu ya ndinga. Mbote, beno me mona yina ya kele? Ya kele

kulandila ya—ya “bayina kimaka” na nsangu ya Luther, kisika ba me pesa yinza presse ya mpamba, ya kele kieleka, to Biblia ya mpamba.

<sup>94</sup> Ntangu yayi, ntangu yayi nsungi, nsungi ya nene. Ntangu yayi, beto banda awa, mu banza beto kele na . . . Yina vwandaka kupesa mbote, na nzila ya 7. Tii . . .

*. . . na . . . na Philadelphie sonika; Bima yayi me tuba yandi yina kele santu, yandi yina kele kieleka, yandi yina kele na bafungula ya David, yandi yina ke fungula, mpe muntu ve ke kanga; mpe ke kanga, mpe muntu ve ke zibula;*

<sup>95</sup> Ya kele kutuba! Mutindu yina ve? Mu—mu ke vutukaka kaka na yawu na minuti, samu ti ya—ya ke talila na ntwala Masonuku awa.

*Mu zaba bisalu ya nge: tala, mu me tula na ntwala ya nge kielo ya kuzibuka, mpe muntu ve lenda kanga yawu: samu ti nge kele na ngolo ya fyoti, mpe me bumba ndinga ya munu, mpe me manga ve nkumbu ya munu.*

<sup>96</sup> Ntangu yayi, ntangu yayi beno tala mbote ntangu yina ke na kwiza awa, na manima ya kuningana ya nene ya misionnaire yina kombolaka bayinsi nyonso, na luzolo ya bampangi, samu na kunata yina vwandaka na bawu. Mu kele na dyambu ve na yawu, mikanda mpe nyonso yankaka, na bisika yankaka na yinza. Ntangu yayi, dibuundu ya dénomination vwandaka me vutuka dyaka na bisalu ya ndongosolo. Beno me mona, me vutuka.

<sup>97</sup> Na manima dénomination ya nene me tulama, Yesu tulaka “kielo ya kuzibuka.” Na manima nsungi ya Wesley me kota mpe dibuundu ya ba-Méthodiste me tulama na ntoto, me baka misisa, me kula, na kusalaka dibuundu ya nene yina ya kele bubu yayi, mosi ya kulutula nene ya, na kati-kati ya mabuundu ya Misyoni, mpe ntangu yina, kima yina bakaka kisika kuna, vwandaka, Yesu tulaka “mwelo ya kuzibuka” samu na dibuundu ntete bawu kukota na nsungi ya Laodicée.

<sup>98</sup> Ya kele samu na yina mu ke na kutubaka yayi mutindu yayi, samu beno kumona yina mu zola kutuba na nzila ya kulutaka. Beno me mona? Ya kele na nsungi ya bu-misionnaire ya kielo. Kasi, beno ke mona, Yandi—Yandi zonzilaka bawu ti Yandi vwandaka na fungula ya David mpe nyonso yankaka. Kasi awa Yandi ke tuba ti Yandi vwandaka ya kuvwanda na ntwala ya dibuundu awa; na manima ya nsungi yango ya bu-misionnaire, mpe Whitefield, mpe—mpe nyonso yango yankaka, mpe Finney, mpe Sankey, mpe Moody tii bayankaka (Moody na kuvwandaka mosi ya nsuka.) beto ke na kukuma ntangu yayi na kisika Yandi tulaka kielo ya kuzibuka na ntwala ya dibuundu. Oh, awa kele, kisika beno fwana tala mbote ntangu yayi. Ya kele kaka na kati-kati dibuundu ya Philaelphe mpe nsungi ya Laodicée, na kulutaka.

<sup>99</sup> Yesu kele Kielo! Ntangu yayi, kana beno ke baka na munu Jean 10:17. Beto lakisa ti yayi awa, kuvwanda na kieleka ti. . . Mingi ya beno ke kwikila. Mpe kuna muntu ke tuba, “Mbote, mu—mu ata mbala mosi ve. . . Yandi tubaka kaka yawu.” Mu ke zola kaka kutanga yawu. Jean, kapu ya 10, mpe nzila ya 17. Jean 10:17. Mbote mingi, beto ke tanga Bandinga. Mu ke lomba beno mulemvo, Jean 10:7, 17 ve.

*Na yina Yesu tubaka na bawu. . . Ya kieleka, ya kieleka, mu ke tuba na beno, mu kele kielo ya lupangu ya mameme.*

<sup>100</sup> Yina kele kuvutuka na balusakumunu. Wapi mutindu beto ke kotaka na Klisto? Yinki Yandi kele? Lupangu ya mameme. Mu bambala mingi vwanda kukiyufulaka samu na yawu, “Wapi mutindu? Yandi lendaka vwanda Kielo, na kuvwandaka Muntu?” Ntangu yayi, kuna na—kuna na bayinsi ya esete kuna, mu talaka kilumbu mosi ntangu mu talaka ti mvungi, na nkokila, yandi ke baka mameme nyonso na kati ya corral, ke nata bawu na kulutaka na kielo. Mpe kuna ntangu yandi ke kotisa bawu nyonso kuna, yandi ke tanga bawu nyonso samu na kumona kana bawu nyonso kele na kati. Na manima yandi ke lala na kielo, yandi mosi. Kima ve lendaka kwiza na dimeme, to dimeme mosi lendaka basika, kukondwa kusabuka yandi. Na yawu Yesu kele Kielo, beno me mona, na kati ya lupangu ya mameme.

<sup>101</sup> Mpe mu vwandaka tambula na kati ya mwa jeep anglais mosi, mpe mu tubaka na muntu, mu tubaka, “Bayayi kele. . .” Bamvungi vwandaka sabuka mbanza, mpe mpyololo bulaka, mpe muntu nyonso sikimisaka ditoma ya bawu, mpe mu banzaka, “Wapi dyambu?” Mpe ya vwandaka mvungi vwandaka sabuka mbanza na mameme ya yandi.

<sup>102</sup> Ntangu yayi, kuna na Esete, ya kele ve mutindu awa. Bawu ke tandaka bima ya bawu nyonso ya kudya kuna—kuna na lweka ya yinzo ya bisika ya zandu. Mpe ya kele na ba-pomme mpe ba-poire, mpe mutindu nyonso ya bambuma, mpe bambuma ya vinu ya kukutika kaka na mutindu ya mbote, ya kukutika nzila nyonso na babaki mutindu yayi, ke kubwa. Mpe mosi na mosi ya bitekisi ke telama kuna mpe ke meka na kubenda beno na kusumba mwa bambuma ya yandi mpe bima.

<sup>103</sup> Mbote, mvungi yayi, yandi bakaka kaka nzila yango ya nene. Mu tubaka, “Mpangi ya bakala, awa kele kisika muvusu ke kotaka, mu ke telema mpe ke tala mbote yayi.”

<sup>104</sup> Mpe mpangi ya bakala yina vwandaka na munu tubaka, “Nge ke yituka, Mpangi Branham. Tala mbote.” Nyonso kusikamaka. Mvungi me luta, na kukipe ve, konso dimeme vwandaka landa yandi kaka. Vwandaka landa yandi! Kana yandi sala crochet mutindu yayi mpe kubaluka, konso. . . dimeme kaka na manima ya yandi ke sala crochet, yina kele na manima ke landa yandi, yandi yina vwandaka na manima

vwandaka landa yandi, nyonso ke landa mpe ke baka kubaluka ya yango.

105 Oh, ya kele mutindu beto ke landaka Mvungi! Ya kele kieleka. Yandi vwandaka kwenda mbala mosi na kati-kati ya nzila yango samu na kuzwa kima na nsuka yankaka yina, mpe mameme yango vwandaka landa yandi kaka mutindu yimbwa. Bawu zolaka tala mpe kutala madya yango, kasi bawu vwandaka landa mvungi. Oh, mu zola yawu! Beno me mona. Mu tubaka, “Oh, mpangi ya bakala, mu ke zola kana mu lendaka kaka kuzonza ndinga yayi, mu ke longa kaka awa.” Beno tala. Yinga, yandi—yandi zolaka baluka ve na kibakala to na kikento, kasi vwandaka kaka na manima ya mvungi.

106 Ya kele yina Dibuundu me sala nzila nyonso, na kuvwandaka na manima ya Mvungi, Mpeve-Santu yina ke twadisa beto na Luzingu ya Kukonda nsuka; na kubalukaka ve samu ti yayi kele dibuundu ya bafololo ya nene, mpe yandi yayi kele na *yayi-mpe-yayi* ya badokotolo mingi mpe *yayi-yayi* mutindu yina, kasi beno vwanda kaka na manima ya Mvungi. Kisika nyonso Mvungi ke kwenda, mameme ke landa, “Mameme ya Munu zaba Ndinga ya Munu, mpe nzenza bawu ke landa ve.” Ya kele kieleka. Yandi . . . Mvungi yina zaba bakudila mpe nyonso yankaka yina ke sala mameme yango kutambula.

107 Na yina ntangu beto basikaka na mbanza, ya vwandaka na kima ya ngitukulu, Mu monaka bilanga kuna mpe mwa bantu vwandaka ya kuvwanda na ziunga, mpe bawu vwandaka na bambuluku, mpe bangombe ya bakento, mpe bangulu, mpe mameme, mpe bankombo, mpe nyonso kuna. Mpe mu tubaka, “Mbote, nani kele bantu yina kuna?”

Yandi tubaka, “Bamvungi.”

Mpe mu tubaka, “Mvungi ke na kupesa madya na bambuluku?”

Mpe yandi tubaka, “Yinga, tata.”

Mbote, mu tubaka, “Mu—mu vwandaka banza ti mvungi zola kaka kutuba mameme.”

108 Yandi tubaka, “Ve. *Mvungi* kele ‘mukengi, mudikisi.’ Mpe kuna na yinsi ya beno ba ke bokilaka bawu ‘ba-cowboy’ mpe—mpe bima ya mutindu yina.”

Mu tubaka, “Oh, mu me mona, mvungi kele mukengi.”

“Yinga.”

“Yandi ke talaka mbote na mameme.”

109 “Ya kele kieleka.” Yandi tubaka, “Kima ya nzenza kele na mpimpa, kisika beno . . . ya ke ningisaka. Beno na kuvwandaka mulongi, mbote, mu ke tuba na beno kima mosi.” Yandi tubaka, “Ntangu mpimpa ke kumaka . . . Ya kele kieleka ti yandi me pesa mosi na mosi ya bawu madya, me twadisa bawu bisika mpe me

sadisa bawu mpe me mona ti bawu me kuzwa bima ya mbote na kilumbu ya muvimba. Kasi ntangu mpimpa ke kumaka . . . ba-mulet mpe bambuluku mpe basamo nyonso, mpe nyonso yina kele na yandi, ke bikana na ngaanda ya bilanga. Kasi yandi ke vukisa mameme mpe ke nata bawu na corral.”

<sup>110</sup> “Oh,” mu tubaka, “Mfumu, sala munu dimeme, na nyonso Nge ke sala!” Beno me mona? Samu ti ntangu mpimpa ke kuma, mu zola kukota na lupangu ya mameme. Kukota na Kielo, kulutila na Kielo. Jean 17:7 awa, to—to Yandi tubaka, “Mu kele . . .” 10:7, na kisika, Yandi tubaka, “Mu kele Kielo ya lupangu ya mameme. Nyonso yina ke kwiza na mantwala ya Munu kele miyibi mpe bimpumbulu, kasi mameme kuwaka bawu ve. Mu kele Kielo, na nzila ya Munu kana muntu kukota, yandi ke kuzwa mpulusu, mpe ke kota mpe ke basika mpe ke kuzwa madya.”

<sup>111</sup> “Ntangu yayi, Mu me tula na ntwala ya dibundu yayi, na kati-kati ya nsungi ya Philadelphie mpe nsungi ya Laodicée, kielo ya kuzibuka.” Oh, beno ke bakula yawu ntangu yayi? Mpe beno me tula mbote mpe me kanga mbote yimpu ya beno ya mabanza? Beno kuwa ntangu yayi, yayi kele mbote. Mu ke tuba na beno, ya kele Bwiki na Ditadi, ya kele kaka kukatula ba-pepitempe mpe kulezima yawu. “Mu kele Kielo ya lupangu ya mameme!” Yinki vwandaka Kielo yango yina ba tulaka, ntangu yayi?

<sup>112</sup> Beto vutuka na mabanza ya beto. Mpe na nsungi yango ya nene ya bu-missionnaire ya ba-Méthodiste, yina kombolaka yinsi na nsangu ya kusantisama. Luther na kunungisama Wesley kwizaka na nsangu ya kusantisama. Mpe na nsuka ya nsungi ya ba-Méthodiste, na nsuka, ntangu yawu bakaka misisa mpe bandaka na kukuma organisation ya nene. Mpe ntangu dibuundu mosi . . .

<sup>113</sup> Ntangu yayi beno kuwa, ya kele ngolo. Kasi mu zola muntu kulakisa munu kisika mosi na kubakaka na disolo. Dibundu mosi yina Nzambi telemisaka, landaka mutindu ya Pantekote kukondwa organisation mosi; mpe ntangu nyonso yina yawu kubongamaka, yawu kufwaka mpe vumbukaka ata mbala mosi dyaka ve. Oh, kuvwanda mambele kulandilaka, kasi bawu ata mbala mosi kuzwaka réveil. Réveil ya Luther ata mbala mosi ve kuvumbukaka, mpe to dyaka réveil ya ba-Méthodiste kuvumbukaka, mpe to dyaka réveil ya ba-Pentecotiste ke vumbuka. Ve, tata. Bawu bongisaka yawu, na yina Nzambi na bansungi ya dibuundu tubaka, Yandi ke “yinaka kima yina,” malongi ya ba-Nicolaïte.

<sup>114</sup> Ntangu yayi, beno bambuka moyo, beto ke na kuzonzila ve na kuteleminaka muntu. Bantu ya mbote kele ya kumwangana. Mameme ya Nzambi kele na bisika yango nyonso kuna na ngaanda. Ya kele kieleka. Ya kele kieleka. Ba-Méthodiste, ba-

Baptiste, bisika nyonso bawu kele, bawu kele bantu ya Nzambi kana bawu kele ya kubutama ya dyaka na Mpeve ya Nzambi. Bawu kele bantu ya Nzambi, kasi ba-organisation me kanga bawu. Mpe me nata mikanda katuka ba-Méthodiste na ba-Baptiste na ba-Campbelliste, mpe nyonso yankaka, tii bawu—bawu me bebisa mikanda kaka na kunataka yawu katuka kisika na kisika.

<sup>115</sup> Mbote mingi, mutindu Mfumu tubaka awa, na nsuka ya nsungi yango, “Mu kele Kielo ya lupangu ya mameme.” Ntangu yayi, wapi kielo vwandaka ya kuzibuka samu na Yesu, kaka na kati-kati ya bansungi zole yayi? Na mvula 1906, pene na ntangu nsungi ya ba-Méthodiste mpe—mpe—mpe Dwight Moody mpe bayankaka katukaka, kuna kwizaka na mbala mosi kutalana ya bantu yina kuzwaka Mpeve-Santu, na kuzonzaka na bandinga mpe nyonso vutukaka na dibuundu. Ya kele na kutala kieleka, na pene ya mvula 1906, na kati kuna.

<sup>116</sup> Mbote mingi, yinki salamaka kuna? Na manima yina me banda na kusalama, kima ya ntete beno zaba, bawu bongisaka Council ya Nene ya ntama yina kotaka, yina ntangu yayi ba ke bokila ba-Assemblée de Dieu. Beno me mona, na nzila ya dibuundu yina na kulutaka. Mpe yinki bakaka kisika kuna? Yandi tulaka kielo ya kuzibuka, “kielo ya kuzibuka.”

<sup>117</sup> Ntangu yayi ti beto tanga kaka yawu ntangu yayi, beno simba yawu mpova na mpova kaka mutindu Yandi ke nata yawu. Beno me mona, “Tala . . .” Beto mona:

. . . *muntu ve ke kanga; . . .*

. . . *me tula na ntwala ya nge kielo ya kuzibuka, . . .*

<sup>118</sup> Ya kele na lweka yankaka:

*Mu zaba bisalu ya nge: tala, mu me tula na ntwala ya nge mwelo ya kuzibuka, mpe muntu ve lenda kanga yawu: . . .*

<sup>119</sup> “Kielo ya kuzibuka.” Yinki ya vwandaka? Ya vwandaka luzayikisu ya nene ya Bunzambi ya Yesu Klisto: ve na kuvandaka muntu ya zole na butatu, kasi na kuvwandaka Nzambi Yandi mosi yina kumaka nsuni mpe zingaka na kati-kati ya beto. Mpe luzayikisu . . .

<sup>120</sup> Ntangu yayi, kana beno ke tala, kaka na minuti, ti beto tanga kaka mwa fyoti na ntwala:

. . . *kanga yawu . . . kele na ngolo ya fyoti, . . . mpe me manga ve nkumbu ya munu.*

<sup>121</sup> Mbala ya ntete Nkumbu yango kuzonzamaka tuka nsungi yayi ntama awa, ba zimbisaka Nkumbu; mpe Luther kubasikaka na nkumbu ti yandi vwandaka moyo, mpe vwandaka ya *kufwa* (Ya kele kieleka?), “Tata, Mwana, Mpeve-Santu.” Awa me basika dyaka Nkumbu ya Yesu, na kati-kati ya bansungi zole yayi awa. Na kati-kati, “kielo ya kuzibuka.” Ntangu yayi, ya kele

luzayikisu: yinki Yandi vwandaka, Bunzambi, baluzayikisu ya Bunzambi.

<sup>122</sup> Ntangu yayi, ya kele yina Yandi monikisaka na nsungi kaka ya dibuundu ya ntete. Ntangu yayi beno tala mbote, mutindu Jean kumonaka Yandi ya kutelama, minda sambwadi ya wolo, mpe Yandi vwandaka ya kutelama na maboko ya Yandi ya kuzibuka. Awa kele mwinda ya ntete, ya zole, ya tatu, ya yiya, ya tanu, ya sambanu, ya sambwadi, na maboko ya Yandi ya kuzibuka na mutindu ya kulunsi. Yandi tubaka, “Mu kele Alpha mpe Omega.” Na bampova yankaka, “Mu ke vwanda ya kulutilla nene na ya ntete, Mu ke vwanda ya kulutilla nene na nsuka.” Nsemu ke vumbukaka na Esete mpe ke lalaka na Wesete. Ya vwandaka ntangu mosi ya boma, ya mudidi, kasi “Ya ke vwanda na Nsemu na ntangu ya mpimpa.” Ngolo mosi ya Nsangu ya mbote yina vumbukaka *awa* na diboko mosi na Esete, me lezima mpe ntangu yayi na diboko yankaka na Wesete, “Alpha mpe Omega, Mu kele A mpe Mu kele Z.” Na maboko ya Yandi! Beno me bakula yawu?

<sup>123</sup> Ntangu yayi, yinki Yandi salaka na kapu ya lte ya Apocalypse? Yandi monisaka bunene ya Bunzambi ya Yandi na dibuundu ya ntete, ya Ephèse. Ya kele kieleka? Mbote, ntangu yayi beno tala. Na mosi na mosi ya mabuundu yayi yina vwandaka luta awa, Yandi kumonana Yandi mosi kaka na Bunzambi na mutindu ya Yandi ya nkembo; kasi na mosi ya nsuka yayi, Yandi kumaka Z, na kuvutukaka na ntonono ya ntete dyaka. Beno me mona, “Ya ntete mpe ya nsuka.” Nsungi ya ntete, ntangu yayi nsungi ya nsuka, samu ti Yandi tubaka, “Mu kele ya ntete mpe ya nsuka.” Mpe . . .

<sup>124</sup> Kasi beno ke tuba, “Mbote, wapi mutindu ya salamaka? Wapi muntu tubaka yawu?” Ya vwandaka luzayikisu! Mingi ya beno na kati awa kuzwaka yawu, samu ti ya Yandi . . . Mu ke tuba kima ntangu yayi. Beno tala! Dibundu ya Yandi ya muvimba kele ya kutunga na zulu ya baluzayikisu ya Yandi. Ya kele kieleka? Kana beno ke kwikila ve na yawu, beto baka Matthieu 16:18, beno ke mona kaka na minuti ti luzayikisu nyonso kele ya kutunga na zulu ya Yandi mosi. Dibundu ya Yandi nyonso kele ya kutunga na zulu ya Yandi mosi. Ntangu yayi beto banda awa na . . . Beto banda . . . beto, na pene ya nzila ya 14:

Na yina *bawu tubaka, Bayankaka ke tuba . . . nge kele Jean Mubotiki: . . .*

Kyuvu vwandaka, yina Yesu tubaka:

*. . . na bizunga ya Césarée ya Philippe, mpe yifulaka bilandi ya yandi, na kutubaka, Nani, bantu ke tuba . . . Munu Mwana ya muntu kele?*

Nzila ya 13, mpe yina kele 16:13 ntangu yayi.

*Mpe bawu tubaka, . . .*

125 Ntangu yayi beno tala mbote, awa kele kisika ya ntete Yesu kuzonzilaka na dibuundu, mpe...na Apocalypse yina kele nsuka.

*Mpe yandi tubaka, Bayankaka ke tuba...nge kele Jean Mubotiki: mpe bayankaka, Elie; mpe bayankaka, Jérémie, mpe yankaka...mpe—mpe...to mosi ya bapofete.*

*Yandi tubaka na—na bawu (nkonga ya muvimba, bawu nyonso), Kasi nani beno ke tuba ti mu kele?*

*Mpe Simon Pierre pesaka mvutu mpe tubaka, Nge kele Klisto, Mwana ya Nzambi ya moyo. (Oh, la la!)*

*Mpe Yesu vutulaka mpe tubaka na yandi, Kyese na nge, Simon—Simon mwana ya Jonas: . . . samu ti nsuni mpe menga ve me monisa yayi na nge, kasi Tata ya munu yina kele na mazulu.*

126 Oh, la la! “Ata mbala mosi ve ti nge me kuzwa yayi na seminere. Ya vwandaka ve na mutindu yankaka ti nge me kuzwa yayi, Simon, mwana ya Jonas; mutindu kaka nge me kuzwa yawu, vwandaka luzayikisu ya kimpeve yina vwandaka me monikisa na nge na Mazulu ti Mu kele Yandi.” Yesu tubaka, “Kana beno kwikila ve ti Mu kele Yandi, beno ke kufwa na kati ya masumu ya beno. Mu kele Yandi!”

*. . .mu ke tuba...na nge, . . .nge kele Pierre, . . . na zulu ya ditadi yayi mu ke tunga dibuundu ya munu; mpe bankotolo ya difelo ke lenda nunga yawu ve.*

127 Yinki Yawu kele? Kimpeve! Kimpeve! Kieleka ya kimpeve! Ndinga ya Mfumu!

128 Ntangu yayi, beto ke tala ti na luzayikisu yayi ya nene yina Nzambi pesaka awa na Dibundu, na bilumbu ya nsuka yayi, ti Nzambi kufidisaka mpe kumonana Yandi mosi “Kielo ya kuzibuka” na kati-kati ya bansungi zole. Ya vwandaka ve na nsungi ya Laodicée to dyaka ya vwandaka na nsungi yankaka yayi (nsungi ya Philadelphie), kasi ya vwandaka na kati-kati (na kulutaka) samu ti . . .Mu ke talisa yawu kaka mwa fyoti na mantwala, mpe beno ke kuzwa yawu, beno me mona. Beto ke sala yawu ya bimvwama, na mutindu ya kieleka ti beno ke lenda ve kukanga na kumona Yawu, kana beno zola kaka kumona Yawu, beno me mona. Mbote mingi.

129 Ntangu yayi, luzayikisu ya Yandi mosi kele kisika Yandi me tunga Dibundu ya Yandi. Bantu yikwa zaba ti yawu kele kieleka, ntangu yayi? Yandi tungaka Dibundu ya Yandi na zulu ya luzayikisu ya Yandi mosi. Mbote mingi. Ntangu yayi yinki Yandi tubaka? “Muntu ve lenda kanga yawu!”

*Mu zaba bisalu ya nge: tala, mu me tula na ntuala ya nge kielo ya kuzibuka, . . .*



130 Yinki kele “kielo ya kuzibuka”? Luzayikisu ya bunene ya Buzambi ya Yesu Klisto! Yinki Yandi tubaka na Dibuundu ya Yandi ya ntete ntama awa, ntama na nsungi *yayi*? Yandi tubaka, “Mu kele Yandi yina vwandaka, yina kele, mpe ke kwiza! Mu kele ya ntete mpe ya nsuka! Mu kele ya Ngolo nyonso!” Yandi tubaka yawu bambala tatu, na kusalaka Yandi mosi Buzambi na dibuundu yayi ya ntete *awa*; ntete Yandi kukota na nsungi ya dibuundu ya nsuka, Yandi tubaka, “Mu me tula na ntwala ya nge kielo ya kuzibuka.” Kana beno ke zola kumona Luzayikisu, awa Yawu kele, kisika Yandi ke tunga Dibuundu ya Yandi. Mpe mutindu kaka yina Yandi zolaka baka Dibuundu ya Yandi, ya kele kuvutuka na luzayikisu ya yina Yandi kele. Kieleka!

131 Beno tala! Ntangu Abraham kusalaka ngwisani, to Nzambi kusalaka ngwisani na Abraham, kilumbu yina ti yandi tubaka, “Wapi mutindu bima yayi ke salama, na kumonaka ti mu kele kiboba? Mpe kibyadi ya munu kaka kele—kele kisadi yayi ya Damas yina kele na munu awa, Eliézer.” Yandi tubaka, “Mu kele kiboba, mpe Nge silaka munu mwana. Wapi mutindu Nge ke sala yawu? Wapi mutindu ya ke salama?”

132 Mpe beno bambuka moyo yandi kwendaka lala, kulala ya kieleka kubwaka na zulu ya yandi mutindu muntu nyonso ke lalaka; lufwa. Mpe na manima yandi talaka, na ntwala ya yandi vwandaka luta dibulu ya mulinga; konso musumuki ke fwana na kukwenda na difelo. Yandi kufwaka kibulu (ntwenya ya ngombe ya kento), nkombo mpe nkombo ya bakala, mpe kiduka mpe pizio. Yandi ata mbala mosi ve kabulaka kiduka mpe pizio. Mpe kuna mwa Nsemo yayi ya mpembe kwendaka na mantwala kuna, mpe vutukaka mpe lutaka na kati-kati ya bitini yayi ya kibulu ya kuzenga, na kusiamisaka ngwisani na Abraham.

133 Ntangu yayi, na Japon, kana ya kele na muntu ya Japon ya kuvwanda awa, beno zaba mutindu bawu ke salaka ngwisani na Japon? Bawu ke losa mungwa na mosi na yankaka. Bawu ke baka ndonga ya fyoti ya mungwa, mpe ke vwanda kuna, bawu ke zonga, “Nge ke sala *yayi-mpe-yayi*?” “Yinga, mu ke sala *yayi-mpe-yayi*.” Na yina bawu ke salaka ngwisani mpe ke bakaka mwa mungwa mpe ke losa yawu na mosi, samu ti mungwa kele mukebi, beno me mona. Mbote mingi. Bawu ke losa mungwa na mosi na yankaka, yina kele ngwisani.

134 Na Amerika, wapi mutindu beto ke salaka ngwisani awa, beto ke tuba, “Mbote, nge ke sala kima mosi?” “Mu ke sala kima mosi.” Mpe kima ya ntete beno zaba, beto ke pesana diboko mosi na yankaka, “Tope la!” Mpe yina kele ngwisani.

135 Kasi, na esete, mutindu bawu ke salaka ngwisani, bawu ke sonika kima mosi. Mpe bawu ke sonika kontra, mpe na ntangu ya Abraham, bawu vwanda kufwaka kibulu. Bawu ke zenga kibulu yina mwasi mpe ke telama na kati-kati ya yawu; ke sonika kontra yayi, mpe ke pasula yawu mutindu *yayi*. Mosi

vwandaka baka kitini mosi, mpe mosi yankaka. Mpe na manima bawu vwandaka kudya ndefi ti “ti banzutu ya bawu kuvwanda mutindu kibulu yayi ya kufwa kana bawu kondwa na kuzitisa kontra yayi.” Mpe ntangu yayi mutindu kaka ti kontra yayi zolaka vwanda... Beno zolaka sala ve yawu zole. Ya zolaka vutuka kaka kieleka kima mosi, na kuvukisaka kintwadi.

<sup>136</sup> Ntangu yayi, yinki Nzambi vwandaka talisa na Abraham yina Yandi zolaka sala? Ti Yandi zolaka baka Nkuna ya Abraham, na nzila ya Isaac tii na Yesu, mpe Yandi nataka Yandi na Calvaire mpe kuna Yandi pasulaka Yandi. Yandi pasulaka na kubasisaka Mpeve ya Yandi, ntama na nzutu, Yandi vumbulaka nzutu mpe vwandisaka yawu na diboko ya lubakala ya bunene na Zulu, mpe fidisaka dyaka Mpeve-Santu na Dibuundu. Ya kele ngwisani ya Nzambi, kupasulaka Yawu: beto kele na Mpeve, Yandi kele na nzutu. Mpe ntangu Yawu ke vutuka kintwadi, Mpeve yina vwandaka na kati ya beto ke vukana na Yandi mutindu Kento ya makwela. Amen. Ata dénomination ke vukana na Yawu ata fyoti ve. Ve, tata. Ya kele Mbutukulu ya kuvedila ya Mpeve-Santu, ya kukondwa kuvukisa na kima yankaka. Kaka yina. Ya kele ngwisani.

<sup>137</sup> Ntangu yayi, awa beto me tala ti Yandi tubaka, “Mu me tula na ntuala ya nge kielo ya kuzibuka.” Mpe mu ke kipe ve lutangu ya ba-organisation yina muntu me sala yina ke telama, to ba-dénomination, mpe bankotolo ya difelo lenda ve kukanga Yawu. Kaka mutindu mosi ya kubula Yawu, vukana na Yawu. Kaka yina. Beno lenda vukisa Yawu ve, na yawu beno fwana vwanda ya kubutama na kati ya Yawu. Kieleka. Na yawu ya kele ve na muntu yina lendaka sutope Nangu yango ya bunene ya Bunzambi mpe mbotika na Nkumbu ya Yesu Klisto. Bankotolo ya difelo ata mbala mosi ve ke nunga Yawu.

<sup>138</sup> Beno ke tuba, “Wapi mutindu beno ke zaba ti Yawu kele kieleka?” Ya kele kaka na Ndinga, mpe muntu yankaka ve lenda tuba kima na zulu ya Yawu. Kieleka! Yawu kele Ndinga. Ata kisika muntu kubotamaka na nkumbu ya “Tata, Mwana, mpe Mpeve-Santu.”

<sup>139</sup> Paul Santu ya nene yayi, wanzio ya Ephèse, tumaka na muntu nyonso yina me botamaka ve, ata mutindu beno kubotamaka, kana beno kubotamaka ntete ve na Nkumbu ya Yesu Klisto, yandi vwandaka tuma beno na kukwenda mpe kuzwa dyaka mbotika na Nkumbu ya Yesu Klisto. Yandi tubaka, “Kana wanzio katuka Mazulu kulonga kima yankaka, ti yandi kuvwanda ya kusinga.”

<sup>140</sup> Na yawu beno lenda mona yina wanzio yina ke kwiza na bilumbu yayi ya nsuka, wapi mutindu ya Nsangu yandi ke kuzwa ntangu yandi ke basika. Beto lendaka twadisa yawu tii na yandi. Kasi mu ke tuba na beno, ntangu yandi ke kwiza, yandi ke longa mbotika na Nkumbu ya Yesu Klisto. Kana beno

ke kwikila ve yawu, beno kwiza mbasi na nkokila mpe beno bika munu kulakisa beno na nzila ya Masonuku. Kieleka yandi ke sala! Mpe nzengolo ya ntima, mpe bimangu ya Nzambi, mpe bisalu ya mangolo kaka mutindu bawu kuzwaka na Kilumbu ya Pantekote. Lusakumunu ya kieleka ya nene ya Pantekote ke vutuka kaka na mwa nkonga yina me bikana samu na kunata yawu kuna. Kontra yina ke vwanda kaka kieleka mutindu ya vwandaka ntangu ba pasulaka yawu na kisika ya ntete. Oh, mu zola Yandi! Mu kele na nsayi mingi, na kyese mingi. Mu—mu lenda tuba yawu ve ngolo mingi. Mu kele na nsayi mingi ti mu lenda tuba mu kele mosi ya bawu. Mu kele na kyese mingi!

<sup>141</sup> Mu ke zola kaka ti bankundi ya munu kuvwanda mutindu yina. Mu ke zola kaka ti mu lenda kuzwa bampangi ya munu ya babakala mpe bampangi ya munu ya bakento awa, bankundi ya munu ya ntalu kuna na yina, kumona kima ya nene yayi. Mu—mu—mu zola, mu ke zola, na nkokila yayi, Nzambi zaba yayi. Mu kele na mwana ya fyoti ya bakala, Joseph, ya kukulisa; mpe mwana ya fyoti ya kento, Sara mpe Rebekah; mpe kento mosi ya luzolo yina me ke yina na kubika; kasi kana mu zabaka ti bankundi na . . . bantu yina mu zaba na yinza yayi, lendaka ndima Yawu mpe kukwikila Yawu, mpe kuvwanda ya kifuluka na Mpeve-Santu, mu ke vwanda ya kuyilama na kukwenda ntangu kaka yayi. Ya kele kaka kieleka. Beno me mona? Oh, kana mu lendaka kaka . . . mpe beno lenda ve . . . Kana beno zonga na mutindu ya mbote, bawu ke banza mutindu beno ke meka na kutula kima mosi na zulu ya bawu. Mpe—mpe ya kele kaka na kima mosi ya kusala, ya kele kuvwanda kaka na Ndinga mpe kukotisa yawu. Mpe yina kele kaka kieleka, beno vwanda kaka na Yawu. Oh, mutindu mu zola Yandi!

<sup>142</sup> Luzayikisu ya Yandi mosi, bunene ya Bunzambi ya Yandi. Yinki, Yandi salaka na yawu? Mu lenda kaka ve kubika Yawu, na mutindu nyonso. Yandi monikisaka Yawu na Dibuundu na Ephèse. Ya kele kieleka? Mpe ya vwandaka ntangu Nsemo ya ntete lezimaka, Nsemo ya Miklisto. Ya kele kieleka? Nsungi ya Mpeve-Santu kubandaka kaka *awa* na Ephèse.

<sup>143</sup> Mpe profete tubaka, “Ya ke kwiza kilumbu yina ke vwanda ve mpimpa to kilumbu, kasi na mpimpa Nsemo ke vutuka dyaka.” Beno me mona yawu? Beno me mona. Beno me mona, kilumbu yayi ya boma, kuluta, nyonso yayi awa ya boma (ba-organisation mpe nyonso); kasi na bilumbu ya nsuka *awa*, awa na yisi Yandi ke tula kielo yango ya kuzibuka. Yesu tubaka, “Mu kele Kielo.”

<sup>144</sup> Beno me kuwaka Yandi ntete kutuba, “Mu kele mwelo. Mu kele nzila, Kieleka, mpe Nsemo”? Beno me mona? Beno me kuwaka Yandi ntete kutuba, “Mwelo kele ya fyoti, mpe ya fyoti mingi kele nzila”? Beno me talaka ntete mutindu ti *fyoti* vwandaka ya kutanguna? F-y-o-t-i, maza. *Fyoti* zola kutuba “maza,” ya kutanguna mutindu yina. (S-w-i, beno me mona.)

*Fyoti*, “Maza kele nzila. Mpe maza yina kele mwelo, mpe fyoti mingi kele nzila.” Yinki kele maza? Mwelo, kielo. Beno me mona, samu na kuzibula. “Na Nkumbu ya Mfumu Yesu kele nzila, na nzila ya maza. Mwelo kele ya fyoti, ya fyoti mingi kele nzila, ti. . .” Yesu. . . “Maza kele mwelo, na Nkumbu ya Mfumu Yesu, na kukota.”

145 “Beno balula ntima mosi na mosi ya beno mpe beno vwanda ya kubotama na Nkumbu ya Yesu Klisto samu na lemvo ya masumu ya beno mpe beno ke kuzwa, na yina beno ke tala na Calvaire, dikabu ya Mpeve-Santu. Samu ti nsilulu kele samu na beno mpe bana ya beno.” (Bayankaka ya bawu kutubaka, “Kaka samu na bantumwa.”) “Samu na beno mpe bana ya beno, mpe na bawu yina kele ntama, mpe mingi mutindu Mfumu Nzambi ya beto ke bokila.” Kaka—kaka yina. “Mingi mutindu Mfumu Nzambi ya beto ke bokila.” Nsilulu kele samu na muntu nyonso, kana beno ke kwiza nzila mosi lutumu ke tangama. Ya kele kieleka.

146 Beno tuba ve, “Mbote, mu ke kota na malembe na nzila yayi.”

147 Ya vwandaka na muntu kilumbu mosi yina kotaka na malembe, beno zaba, mpe kotaka na nzila yankaka. Beno zaba yawu? Beno me kuwaka ntete kingana ya yawu? Ya vwandaka na muntu kotaka na malembe mpe kotaka na nzila ya yankaka. Ntangu yayi, na esete, ntangu bawu—bawu vwandaka na madya ya makwela. . .Beto ke baka yawu na suka: na Kudya ya Makwela, wapi mutindu muntu yina kotaka kuna. Beto ke meka, na kubaka yawu na suka. Mu zolaka tuba na yawu ntangu yayi, kasi mu ke bika yawu. Na suka: wapi mutindu muntu yina kotaka na kisika yina na Kudya ya Makwela. . .to, samu na Kudya ya Makwela.

148 Mbote mingi, “Mwelo kele ya fyoti, ya fyoti mingi kele nzila.” Maza kele mwelo, kukota na Mfumu Nzambi.

149 “Mu me tula kielo ya kuzibuka. Mu kele na bafungula. Mu kele kaka yandi yina lenda zibula yawu, Mu kele kaka yandi yina lenda monikisa yawu, Mu kele na bafungula.” Ya kele kieleka? “Ya kele na ata muntu yina lenda kwiza na Munu kana ti Tata ya Munu me benda yandi, mpe nyonso Tata me pesa Munu ke kwiza na Munu.” Muntu ve lenda kuzwa mpulusu kana kaka na nzila ya Yesu Klisto. Ve na nzila ya dibuundu mosi, na organisation mosi, na bishop mosi, na pape, kaka na nzila ya Yesu Klisto. Yandi kele na fungula, Yandi kele yandi yina kaka lenda. . .Bafungula ya yinki? David, Millenium yina ke na kwiza na bilumbu na ntwala kisika Yandi ke vwanda na kiti ya kimfumu ya David. “Mu kele na bafungula ya David, Mu ke fungula kielo yayi mpe muntu ve lenda kanga yawu. Muntu ve lenda fungula yawu kasi Munu, mpe muntu ve lenda kanga yawu na ntwala ya Munu.”

150 Wapi mutindu ya lenda vwanda? Wapi mutindu muntu mosi lenda zaba ti Yandi kele Klisto kana ti Yandi kumonana Yandi

mosi na yandi? Beno me mona, Yandi ke monikisa Yandi mosi, Yandi kele na fungula. Yandi lenda zibula yawu to kubika yawu swi. Beno me mona? “Mu kele na fungula ya kielo. Mu kele Kielo. Mu kele Nzila. Mu kele Kieleka. Mu kele Nsemo.” Oh! “Mu kele Alpha. Mu kele Omega. Mu kele ya Ntete mpe ya Nsuka. Mu kele Tata. Mu kele Mwana. Mu kele Mpeve-Santu. MU KELE! Ve Mu ‘vwandaka’ to ‘ke vwanda.’ MU KELE YINA MU KELE, yina—yin ke tuba kima ya movimba. MU KELE, ve Mu ‘vwandaka’ to ‘ke vwanda.’ MU KELE, ya zola kutuba ‘vwandulu ya moyo ya Seko.’ Beno me mona, Mu KELE! Vwandaka ntangu nyonso, ke vwanda ntangu nyonso, Mu kele ntangu yayi mutindu Mu vwandaka ntangu nyonso mpe ke vwanda ntangu nyonso.” Beno me mona, Yandi—Yandi kele kaka MU KELE!

151 Kele na bafungula ya David na kimfumu, “muntu ve lenda kanga yawu.” Nzila ya 7 ke talisa yawu, mbote mingi, ti Yandi kele na bafungula ya David, “Muntu ve lenda kanga!”

152 Ntangu yayi beto mona yina kele kima yina ke landa, na nswalu:

*. . . samu ti nge kele na ngolo ya fyoti, . . .*

153 Oh! Yandi me tuba na nkonga ya fyoti yayi awa, “Nge kele kaka na ngolo ya fyoti ntangu yayi.” Yinki ya zola kutuba? Kaka mutindu muntu yina me vwanda ya kufwa, yina ke ningana fyoti yandi mosi, ke vutuka moyo, ke vumbuka fyoti, ke vutuka na luzingu. Beno me basika na ba-credo yango ya ntama ya kufwa mpe nyonso, beno me banda mwa fyoti na kukwiza na luzingu, na kuninganaka beno mosi, na kuvumbukaka beno mosi. “Nge kele na ngolo fyoti, kasi Mu me tula kielo na ntuala ya nge ntangu yayi.” Ntangu kaka bawu me basika na—na bu-Lutherien mpe bupaapa, mpe na ba-isme nyonso yango yankaka, mpe—mpe bu-Méthodiste mpe nyonso, Yandi tubaka, “Mu me tula kielo na ntuala ya nge, ntangu yayi nge kele na ngolo ya fyotki, yinki nge ke sala na yawu? Ya kele ya kutula na ntuala ya nge, nge lenda kota to kubasika, to dyaka mosi yina nge zola. Kielo kele ya kutula na ntuala ya nge. Nge kele na ngolo ya fyoti, ke na kwiza kaka na Luzingu, nge ke na kubandaka kaka.”

154 Mutindu yina ya vwandaka na dibuundu ya ntete. Beno tala na nsuka ya nsungi ya Laodicée, yandi vutukaka dyaka na bisalu. Ntangu yayi kana beno tala awa, samu—samu na kulakisa ti dibuundu yayi kele na kati-kati ya zole yayi. Kan beno kota na nsungi ya Laodicée, to Nsungi ya Dibuundu ya Laodicée, “Mu zaba bisalu ya nge,” kaka na nsuka ya nsungi ya Laodicée. Yinki ya vwandaka? “Bisalu ya nge, mpe kiti kisika Satana kele.” Yinki vwandaka kiti ya Satana? Beno me mona, yandi vutukaka kaka dyaka mbala mosi na dénomination.

155 Beno ba-Assemblée de Dieu, mpe ba-Unitaire ya Pantekote, mpe Dibuundu ya Nzambi! Oh, beno ke mona ve, bankundi, yina beno me sala? Beno me vutuka mbala mosi na kima yina

Nzambi yinaka, me zenga bumpangi. Beno tala ba-Assemblée de Dieu, mosi ya bantu ya kulutila mbote na yinza kele na kati ya bawu ba-Assemblée de Dieu. Beno tala dibuundu yango ya ba-Pentecotiste Uni, kaka mbote mutindu beno me kutanaka ntete ve na luzingu ya beno. Beno tala na Dibuundu ya Nzambi. Mpe samu na ba-organisation yango, bawu ke swana mpe ke seka mpe ke swana mosi na yankaka, mpe ke bokila mosi na yankaka “yinti ya kutelama ya ba-buse” mpe “dibulu ya bampuku.” Oh, ya kele nsoni!

<sup>156</sup> Kima mosi Nzambi ke yinaka ya kele “kukuna kukabuka na kati-kati ya bampangi.” Mpe ya kele kieleka. Mpe ba-organisation yayi kele yina ke salaka yawu, ke kunaka kukabuka na kati-kati ya bampangi. Beto ke vwanda ya kutelama na breche mpe ke tuba, “Beto kele bampangi!”

Beto kele ya kukabwana ve,  
 Beto kele Nzutu mosi;  
 Mosi na kivuvu mpe Malongi, (Malongi ya  
 Biblia.)  
 Mosi na zola.

<sup>157</sup> Mu ke zolaka nkunga yango ya ntama, *Na Ntwala, Soda Ya Muklisto*. Yinga, tata.

<sup>158</sup> Na nsuka ya Laodicée, bawu vutukaka dyaka na bisalu, to ba-dénomination ya Pantekote kuvutukaka na dénomination. Beto baka nzila ya 15. Mu kele na awa, “Nzila ya 15 ya Apocalypse ya 3.” Mpe kumona kana ya kele kieleka ve, ntangu yayi. Apocalypse ya 3, mpe—mpe, to, beto mona kana mu sonikaka yawu mbote. Apocalypse. . . Oh, ve, ve, mu—mu vwandaka me zimbana, nzila ya 15. Ya kele nzila ya 15 ya kapu mosi yayi, ya ke lakisa kima mosi awa. Yinga, uh-huh:

*Mu zaba bisalu ya nge, ti nge kele ata madidi to tiya: . . .*

<sup>159</sup> “Mu zaba bisalu ya nge.” Ya ke lakisa ti bawu kuvutukaka dyaka na kima ya bawu ya ntete. Bawu kuvutukaka na ngolo ya bawu mpe kuvutukaka na ba-dénomination ya Pantekote. Nzila ya 15 ya—ya kapu mosi. Mbote mingi.

<sup>160</sup> Na kati-kati ya bansungi zole bawu vwandaka na ngolo ya fyoti, na kati-kati ya nsungi zole ya malongi ya ba-dénomination ya ba-Nicolaïte. Ntangu yayi, ntangu luther awa yidikaka, na kuvutukaka na bu-Nicolaïte, ba-archibishop ya nene mpe nyonso yankaka. Na manima kwizaka Wesley, ba yidikaka archibishop ya Canterbury mpe nyonso yayi ya nene ya kuswaswana, nyonso yina na mabuundu mpe nyonso yankaka na—na sungi yango. Na manima awa na Pentecotiste, bawu vutukaka kaka na kima mosi dyaka mosi, nyonso ya bawu ya ba-dénomination ya nene, malongi ya ba-Nicolaïte. Kasi na kati-kati ya bansungi zole yayi Yandi me fungula kielo mpe me pesa dibuundu ngolo ya fyoti samu na kuzinga dyaka tii ya ke

ningisa yintu ya yandi, beno tala kuna mpe beno mona kisika ya vwandaka, beno kuzwa luzayikisu. Beno baluka, beno mona kima mosi (kubasika, beno zaba), mpe kima ya ntete beno zaba, yandi ke banda kuningisa yintu ya yandi mpe ke tala na ziunga mpe ke ningisa yintu ya yandi.

<sup>161</sup> Na nzila mosi, mu lotaka na yawu mazono na nkokila. Charlie, mu vwandaka banza ti mu kubulaka mpadi; bwisisaka yandi na kintala ya yinti. Mpe mu monaka kiboba ya kento na zulu kuna. Oh, yandi vwandaka ya kudasuka na munu, yandi vwandaka kwiza, kuzwa munu. Mpe mpadi yayi vwandaka na singa mosi ya fyoti ya mpembe na ziunga ya laka ya yandi. Mpe kibulu yango ya fyoti vwandaka kuna mpe ningisaka yintu ya yandi bambala zole to tatu mpe talaka munu, mpe yandi me kwenda na ngolo nyonso mutindu yandi lendaka na kukwenda, na kuvutukaka na mfinda.

<sup>162</sup> Beno zaba, mpe kento ya kiboba yina lendaka zola kutuba dibuundu. Lendaka ve? Yandi mekaka na kubula munu, mu lendaka kukimina yandi na mutindu mosi. Mpe. . . Kasi, oh, kaka nsemo mosi ya fyoti, kasi mingi na kuza na—na. . . Mu zaba ti mu kulumukaka bala-bala mpe yandi vwandaka zola kuzenga munu na bitini-bitini kuna, mpe mu balulaka na nswalu Ford ya munu; ya vwandaka na remorque na manima ya yawu, mu me bwisisa yawu nyonso, me kwenda na nswalu na kubakaka nzila yankaka, samu na kukanga yandi na kuzwa munu. Mu kimaka kaka.

<sup>163</sup> “Ntangu yayi, nge me bikana na ngolo ya fyoti, na yawu nge zola kusadila ngolo yayi kieleka samu na kusoba na kati-kati ya ba-dénomination zole.” Beno me tala? “Yandi bumbaka Ndinga ya Yandi!” Beno tala mbote awa nzila yina ke landa ntangu yayi:

. . . nge kele na *ngolo ya fyoti, mpe me bumba ndinga ya munu, . . .*

<sup>164</sup> “Me bumba Ndinga ya Munu,” ya kele mutindu bawu kuzwaka ngolo ya bawu. Ya kele mutindu bawu kuzwaka luzayikisu ya bawu. Yandi yina bakaka Biblia ntangu Luther kuniemaka Biblia, mpe Yawu lutaka na nsangu ya Wesley mpe me landila, bawu kuzwa Yawu kuna mpe bumbaka Ndinga; mpe monaka luzayikisu ya Yesu Klisto na kuvwandaka Nzambi me kuma nsuni na kati-kati ya beto, mpe mbotika na maza na Nkumbu ya Yesu, na yawu bawu kotaka kaka na yawu. Beno tala. Na yina kuna bawu—bawu kuzwaka Nkumbu ya Yandi. Beno me mona? Oh, ya kele kaka pwelele mutindu. . . pwelele kulutila na kutanga zulunale. Beno me mona? Kaka. . . Mpe beno lenda ve kumanga yawu, samu ti kaka awa ya kele. Ya kele kaka ya kumonisa awa na Biblia, mpe awa ya kele kaka awa, mpe beto kele. . . Ya kele disolo. Ya kele kieleka kisika dibuundu ya Pantekote kubandaka mpe kuzwaka nkumbu ya yawu, pene ya

mvula 1908, mvula 1910, mvula 1912, kisika mosi na kati kuna, ya bandaka na kubwa.

165 Ntangu yayi, mbote mingi:

*...mpe me manga ve nkumbu...me manga ve nkumbu ya munu.*

166 Ntangu yayi, mu zola yawu. Yandi kele—kele na bafungula ya David ntangu yayi, Yandi lenda bumba Ndinga ya Yandi mpe—mpe kukotisa beno na Kimfumu. Nkumbu ya Yandi me monana. Ba basikaka na dibuundu yina vwandaka na “nkumbu ti bawu vwandaka ya kufwa,” mpe ntangu yayi bawu me kota na dibuundu yina ke le na Nkumbu, ya kele, yina kele na Luzingu. Beno me mona? Bawu me basika na lufwa, “Tata, Mwana, mpe Mpeve-Santu.” Nkumbu ya “Tata, Mwana, mpe Mpeve-Santu,” yina ke pesa ata sense ve. Beno me mona, ya kele ya kupesa kuna samu na luzayikisu. Buku ya Yandi nyonso kele ya kusonika na luzayikisu. Ya kele yina ya kele, Yandi ke monana Yandi mosi.

167 Ntangu yayi Yandi tubaka, “Beno kwenda botika bantu na Nkumbu ya Tata, Mwana, mpe Mpeve-Santu,” Matthieu 28:19. Ntangu yayi, na wapi mosi ya bankumbu yango beno ke kwenda sadila? Ntangu yayi, mingi ya bantu ya butatu ke botikaka, “Na nkumbu ya Tata, na nkumbu ya Mwana, na nkumbu ya Mpeve-Santu.” Yina kele ve Masonuku. Beno yufula muntu nyonso. Beno mona kana ya kele ve. . . Ya kele na *nkumbu*, yawu mosi, na *bankumbu* ve. *Nkumbu!* Nkumbu ya Tata mpe Mwana mpe Mpeve-Santu. Beno me mona? Mbote mingi. Tata kele ve nkumbu; Mwana kele ve nkumbu; Mpeve-Santu kele ve nkumbu. Na yawu yinki ya kele? Kima ya kufwa! Ya kele ve na nkumbu na yawu. Kasi na nzila ya bisalu yango ya kufwa. . .

168 Na nzila ya Luzingu ya Klisto, ya ke monana. Mpe Pierre zolaka vwanda. . . Yandi vwandaka kaka ya kutelama kuna na bafungula ya—ya Kimfumu ya Mazulu na diboko ya yandi, mpe Kimfumu kele Mpeve-Santu; ya kukanga na lweka ya yandi, bafungula na Kimfumu. Na bampova yankaka, luzayikisu, samu ti Yesu tubilaka yandi. Oh, mpangi, beno lenda mona yawu ve? Pierre vwandaka yandi yina vwandaka ya kusakumuna na luzayikisu ya Kieleka. Mpe kuna kaka yandi vwandaka ya kutelama kuna, mpe yandi kuwaka Yesu kutuba, “Na yawu beno kwenda, longa bayinsi nyonso, na kubotikaka bawu na Nkumbu ya Tata, Mwana, mpe Mpeve-Santu.”

169 Pierre kubalukaka mpe tubaka, “Mfumu, kieleka mu kele na bafungula awa. Mu kele na luzayikisu ya yina ya zola kutuba, samu ti mu zaba ti Tata kele ve nkumbu, Mwana kele ve nkumbu, mpe Mpeve-Santu kele ve nkumbu, kasi mu zaba yinki Nkumbu yango kele.” “Na yawu mu ke botika beno na Nkumbu ya Mfumu Yesu Klisto.” Amen. Fiu! Ya kele kieleka.

170 Ntangu yayi, ya kele kaka mutindu ti beno vwandaka tanga disolo yina me tala dyambu ya luzolo. Mpe beno. . . Ya kele na



buku ya nsuka ya Matthieu, na kitini ya nsuka ya Matthieu. Kana beno baka disolo yina me tala dyambu ya luzolo, bayankaka ya beno bamama . . . Mu zaba ti beno ke salaka yawu ve, kieleka beno ke sala yawu ve; ve, ve. Beno me mona? Kasi kana beno salaka yawu ntangu beno vwandaka musumuki, beno me mona, beno ke baka disolo na . . . beno zaba, ntangu beno vwandaka mwana ya ntwenya ya kento, mpe beno ke baka disolo yayi, mpe ya ke tuba, “Jean mpe Marie zingaka na kyese na manima.” Huh! Nani vwandaka Jean mpe Marie? Ntangu yayi, ya kele kaka na mutindu mosi samu na beno na kuzaba nani Jean mpe Marie kele, ya kele, kuvutuka na ntwala ya buku mpe kutanga yawu. Ya kele kieleka?

<sup>171</sup> Mbote, na yina na nsuka ya buku ya Matthieu, na nzila ya nsuka, ti Yesu tubaka, “Na yawu beno kwenda, longi na bayinsi nyonso, na kubotikaka bawu na Nkumbu ya Tata, mpe Mwana, mpe Mpeve-Santu, na kulongaka bawu na kuzitisa nyonso yina Mu me tuma bawu.” Ntangu yayi, kana—kana Tata kele ve nkumbu, mpe Mwana kele ve nkumbu, mpe Mpeve-Santu kele ve nkumbu, ya ke vwanza mbote na kuvutuka na ntwala ya Buku. Beno me mona? Ntangu yayi, kana beto vutuka na ntwala ya Buku, na kapu ya 1te ya Matthieu, beno ke tala yayi.

<sup>172</sup> Mu ke zola kaka kupesa mwa kifwanukusu yayi awa samu ya lendaka vwanza na muntu awa yina me monaka ntete yawu ve. Beno tala yayi mbote: *Yayi* kele Tata, *yayi* kele Mwana, mpe *yayi* kele Mpeve-Santu. Ntangu yayi, beno tala mbote: Tata, Mwana, Mpeve-Santu, ya kele yina Yesu tubaka na Matthieu 28:19. Ya kele kieleka? Tata, Mwana, Mpeve-Santu. Ntangu yayi, Nani kele *yayi*? Tata? Beno kuwa kalasi. Tata, Mpeve-Santu, Mwana. Ntangu yayi, Nani kele *yayi*? Mpeve-Santu. Nani kele *yayi*? [Dibuundu me tuba, “Tata.”—Mu.] Nani kele *yayi*? [Dibuundu me tuba, “Mwana.”] Mwana. Mbote mingi. Ntangu yayi, yayi vwandaka Tata ya Nani? Yesu Klisto. Ya kele kieleka?

<sup>173</sup> Ntangu yayi, Matthieu, kapu ya 1te, nzila ya 28, beto tanga yawu. Beto ke baka disolo yina me tala dyambu ya luzolo ntangu yayi mpe kumona mutindu yawu ke tangama. Beto ke mona Nani—Nani Muntu yayi tubaka, ti, Yandi vwandaka, “Beni kwenda botika bawu na Nkumbu ya Tata, mpe Mwana, mpe Mpeve-Santu.” Mbote mingi. Ntangu yayi, kapu ya 1te ya Matthieu ke banda na makanda:

*Buku ya bansungi ya Yesu Klisto, mwana ya David, mwana ya Abraham.*

*Abraham kubutaka Isaac; . . . Isaac kuzwaka Jacob; . . .*

<sup>174</sup> Mpe ya me landila, mpe me landila, tii ya me kuma na nzila ya 18. Ntangu yayi, beno me mona, beno kwenda na ntwala awa na nzila ya 17 mpe . . .

*Na yawu bansungi nyonso katuka Abraham tii David vwandaka bansungi kumi na yiya; mpe katuka David*

*tii kunatama ya Babylone . . . bansungi kumi na yiya; mpe . . . kunatama ya Babylone tii Klisto vwanaka bansungi kumi na yiya.*

*Ntangu yayi Yesu Klisto butukaka mutindu yayi: Ntangu . . . mama ya yandi Marie vwanaka fianse na Joseph, . . .*

175 Beno ke na kutangaka na kulandaka munu? Beno kuwa mbote:

*. . . Ntangu . . . mama ya yandi Marie vwanaka fianse na Joseph, . . . yandi vwanaka ya kutala na . . . ntete bawu kuvwanda kintwadi, yandi kuzwaka kivumu ya Nzambi Tata.*

176 Ya ke tangama mutindu yina? Ya kutala na Mwana ya Nani? [Dibuundu me tuba, “*Mpeve-Santu.*”—Mu.] Mbote, mu vwanaka banza ti muntu kutuba ti *yayi* vwanaka Tata ya Yandi. Ntangu yayi, kana Mpeve-Santu kele Muntu yango mosi, mpe ti Tata kele Muntu yankaka, na yina Yandi vwanaka na Batata zole. Yinki beno ke kuzwa? Mwana ya makangu. “Oh,” beno ke tuba, “yandi . . . bawu zimbanaka kaka mpe salaka kuna kuniema ya yimbi.” Mbote mingi:

*Mpe Joseph bakala ya yandi, na kuvwandaka muntu ya kudedama . . . ve . . . mpe na kuzolaka ve kutalisa yandi nsoni na meso ya bantu, vwanaka yindula na kufwa makwela na yandi na mansweki.*

*Kasi na yina yandi vwanaka banza na bima yayi, beno tala, wanzio ya Mfumu monikaka na yandi na ndosi, na kutubaka, Joseph, nge mwana ya David, kuvwanda na boma ve na kubaka na nge Marie kento ya nge: samu ti kivumu yina kele na yandi kele ya . . . [Dibuundu me tuba, “*Mpeve-Santu.*”]*

177 “Na yinwa ya bambangi zole to tatu, ti dyambu nyonso kundimama.” Beno me mona? Uh-huh. Mpeve-Santu vwanaka Tata ya Yandi. Mbote, Yandi tubaka “Nzambi” vwanaka Tata ya Yandi. Ntangu yayi, kana ya kele na bantu zole ya kuswaswana, nani vwanaka tata ya Yandi? Beno me mona kisika beno ke nata beno mosi. Beno ke kangisa kaka beno mosi kuna na kati-kati na zulu. Beno me mona? Ntangu yayi, beno fwana tuba ti Mpeve-Santu kele Nzambi Yandi mosi! Ya kele Mpeve-Santu, yina kele Nzambi. (Ntangu yayi, beno kele na zole ntangu yayi, na kisika ya tatu.) Mbote mingi.

178 Mbote mingi, nzila ya 21:

*. . . samu ti kivumu yina kele na yandi . . . (Nani tulaka . . . Nani vwanaka Yandi Yina tulaka yayi na kati ya yandi? Mpeve-Santu. Mbote mingi.)*

*Mpe yandi ke buta mwana ya bakala, mpe nge ke pesa yandi nkumbu (Nkumbu) YESU: samu ti yandi ke vulusa bantu ya yandi na masumu ya bawu.*

*. . .yina nyonso yayi kusalamaka, . . .Na yina nyonso yayi kusalamaka, ti ya kulungisa yina Mfumu kuzonzaka na nzila ya profete, na kutubaka,*

*Beno tala, mwense ke vwanda na kivumu, mpe ke buta mwana ya bakala, mpe ba ke bokila yandi Emmanuel, . . .yina zola kutuba . . . Nzambi na beto.*

179 Yinki vwandaka Nkumbu ya Yandi? Ntangu yayi, nani kele Jean mpe Marie yina zingaka na kyese na manima? Yinki kele Nkumbu ya Tata, ya Mwana mpe ya Mpeve-Santu? Ntangu Yesu kubutamaka na ntoto, Yandi vwandaka Klisto Mfumu. Na nzengolo ya Yandi (bilumbu nana na manima) mama ya Yandi pesaka Yandi Nkumbu mpe tata ya Yandi pesaka Yandi Nkumbu ya “Yesu.” Yandi vwandaka Yesu Klisto, Mfumu Yesu Klisto, kuna.

180 Yandi vwandaka Mfumu! Ntangu Yandi kubutukaka, Yandi vwandaka Klisto Mfumu. Mpe kuna ntangu Yandi kuzwaka Nkumbu ya Yandi ya “Yesu,” yina salaka Yandi Yesu Klisto Mfumu. Ya kele kieleka yina kumonanaka na Pierre, yandi zabaka nani Jean mpe Marie vwandaka ntangu Yandi tubaka, “Beno kwenda botika na Nkumbu ya Tata, Mwana, Mpeve-Santu.” Na yawu, ya zolaka vwanda ya kumonana samu ti Yesu zabaka ti Pierre vwandaka na dikabu ya baluzayikisu, Yandi zabaka, samu ti ya monanaka yimeni na yandi na zulu na Mpeve. Mpe ntangu Nzambi kumonaka ti muntu yango lenda kuzwa baluzayikisu yina ke katuka na zulu, Yandi lenda sala kivuvu na muntu yango, kusala kima mosi na yandi; ntangu yawu me monana na yandi, samu ti Yandi tubaka, “Muntu ve lenda monisa yayi kasi Tata ya Yandi.” Nzambi kele kaka Yandi Yina lenda kumonikisa yawu, mpe Yandi zabaka Pierre na . . .yandi vwandaka na kiwisa na Mpeve. Na yawu yandi . . .

181 Pierre zabaka luzayikisu, mpe na yina yandi mataka kuna mpe yandi tubaka, “Beno balula ntima, mpe beno botama na Nkumbu ya Yesu Klisto samu na lemvo ya disumu ya beno.”

182 Ntangu yayi, kaka bilumbu fyoti na mantwala ya yawu, Yesu tubaka na Pierre, (Kilumbu mosi ntangu Yandi tubaka na yandi Nani luzayikisu vwandaka, “Na zulu ya ditadi yayi Mu ke tunga Dibuundu ya Munu, mpe myelo ya difelo ke nunga Yawu ve.”), “Mpe Mu ke tuba ti nge kele Pierre, mpe Mu ke pesa nge bafungula.” Oh! “Bafungula na Kimfumu! Mu ke pesa nge bafungula. Nyonso yina nge ke kanga na ntoto, Mu ke kanga yawu na Mazulu. Nyonso yina beno ke zibula na ntoto, Mu ke zibula na Mazulu.”

183 Na yina na Kilumbu ya Pantekote, na nzibukulu ya Dibuundu, bilumbu kumi na manima Yesu tubaka “beno kwenda

botika na—na Nkumbu ya Tata, Mwana, mpe Mpeve-Santu,” Pierre na nzila ya luzayikisu ya kimpeve zabaka ti ya vwandaka ve na kima mutindu na nkumbu ya “Tata, Mwana, Mpeve-Santu.” Mbote, muntu ve yankaka kubanzaka yawu tii nsungi ya Katolika. Mpe muntu nyonso yina kele ya kubotama na nkumbu ya “Tata, Mwana, mpe Mpeve-Santu” kele kieleka ya kubotama na lukwikilu ya Katolika, (ya kele kieleka) ve na mbotika ya Miklisto. Ya vwandaka . . . yina bikanaka.

<sup>184</sup> Ntangu yayi, na Kilumbu ya Pantekote, bawu nyonso vwandaka ya kifuluka na Mpeve-Santu, mpe vwandaka zonza na bandinga mpe—mpe vwandaka sala mutindu ti bawu vwandaka ya kukola na malafu. Mpe bawu vwandaka ya kukola, bawu vwandaka ya kukola na Vinu ya malu-malu. Vinu ya malu-malu yina katukaka na Mazulu, ya Canaan ya zulu. Mpe ntangu bawu nyonso vwandaka zonza na ngolo mpe vwandaka boka mpe vwandaka sala mutindu ti bawu vwandaka ya kukola mpe nyonso, Pierre kutelamaka na kati-kati ya bawu mpe tubaka na bawu ti “Bawu vwandaka ve ya kukola, kasi bawu vwandaka—bawu vwandaka . . . Yayi vwandaka yina ti profete kutubaka ti zolaka salama, ‘Yandi ke tsyamuna Mpeve ya Yandi.’”

<sup>185</sup> Mpe ntangu yayi bawu—bawu tubaka, “Bampangi, yinki beto lenda sala? Bampangi, yinki beto lenda sala?” Beno tala kyuvu. “Wapi mutindu beto ke kuzwa Yawu? Nani kele na bafungula?”

<sup>186</sup> “Kwiza awa, Simon. Nge kele na bafungula, katula yawu na lweka ya nge. Mpe yinki nge ke tuba? Ntangu yayi beno bambuka moyo, Yesu Klisto tubaka, ‘Kana nge kanga yawu na ntoto, Mu ke kanga yawu na Mazulu. Kana nge zibula yawu na ntoto, Mu ke zibula yawu na Mazulu.’ Mpe kana Yandi kele Nzambi, Yandi fwana kuzitisa Ndinga ya Yandi.”

<sup>187</sup> Ntangu yayi, beno banganga-Nzambi ya Katolika, beno lakisa munu ya beno “lemvo ya masumu.” Nganga-Nzambi mosi ya Katolika tubaka na munu kilumbu mosi, na kutubaka, “Yesu tubaka ve, ‘Muntu nyonso yina beno ke lemvokila masumu, ya ke vwanda na bawu ya kulemvuka?’”

Mu tubaka, “Yandi tubaka yawu.”

“Muntu nyonso yina beno ke manga kulemvokila, na bawu ya ke vwanda ya kumanga?”

“Yinga.”

“Ya kele muntu nyonso beno ke lemvokila, ba ke lemvokila bawu; muntu nyonso beno ke lemvokila ve, ba ke lemvokila bawu ve.”

Mu tubaka, “Ya kele kieleka yina Yawu ke tuba.”

Yandi tubaka, “Na yina Klisto pesaka ve Dibuundu ya Yandi, beto na kuvwandaka Dibuundu ya Yandi, ngolo ya kulemvokila masumu na ntoto?”

188 “Kieleka Yandi salaka.” Mu tubaka, “Ntangu yayi, kana beno ke lemvokila bawu mutindu mosi bawu lemvokilaka bawu, mu ke kwenda na beno.” Yinga. Mu tubaka, “Wapi mutindu bawu lemvokilaka bawu? Ba tubaka na bawu, ‘Beno kwenda sala ba-neuvaine’ to kima mosi, to mutindu beno ke salaka?”

189 Ve, tata. Pierre tubaka, “Beno balula ntima!” Amen. Beno tala fungula, “Beno balula ntima, mosi na mosi ya beno, mpe beno botama na Nkumbu ya Yesu Klisto samu na lemvo ya masumu ya beno, mpe kuna beno ke kuzwa dikabu ya Mpeve-Santu.” Fungula me kwenda “klik” na ntoto, mpe me kwenda “klik” na Mazulu. Ya kele Yawu.

190 Ya kele samu na yina ntangu Paul kukutanaka bayankaka yina kubotamaka yimeni na muntu mosi yina botikaka Yesu, yandi tubaka, “Beno kuzwaka Mpeve-Santu tuka beno kwikilaka?”

Bawu tubaka, “Beto zaba ve ti ya kele na kima mutindu Mpeve-Santu.”

Yandi tubaka, “Na *wapi*. . .” Beno baka mpova ya beno ya Grec, ya ke tuba, “*Wapi mutindu* beno kubotamaka?”

Bawu tubaka, “Ya Jean.”

Yandi tubaka, “Yina ke simba dyaka ve. Mazulu kusukisaka na yawu. Beno fwana kukwiza; kuzwa mbotika na Nkumbu ya ‘Yesu Klisto.’”

191 Na yawu bawu kuwaka yayi, ba kuzwaka dyaka mbotika na Nkumbu ya Yesu Klisto. Mpe ntangu bawu kusalaka yawu, Paul kutantikaka maboko ya yandi na zulu ya bawu, Mpeve-Santu kulumukaka na zulu ya bawu, bawu kuzonzaka na bandinga mpe pesaka profesi.

192 Oh, mpangi, ya kele kuvutuka na ntonono. Ya kele kieleka. Ya kele “kielo ya kuzibuka” yina vwandaka kaka ya kutula awa. Na mutindu ya Géographie ya kele ya kulunga, Bansemo ya mpimpa, mpe konso Masonuku na Biblia ke nata na yawu.

193 Beto lendaka telama awa bangunga, mpe mu kele dyaka na baminuti kumi na tanu, mpe pene ya milabu makumi tatu na tanu ya kusala awa. Mpe kana beto ke lenda ve, beto ke baka yawu na suka kana beto baka ve yawu na nkokila yayi. Mbote mingi.

194 Ntangu yayi, mbote mingi:

. . . *mpe muntu ve lenda kanga yawu; samu ti nge kele na ngolo ya fyoti, mpe me bumba ndinga ya munu, . . .*  
(Mbote mingi.) . . . *mpe me manga ve nkumbu ya munu.*

195 Beno tala! “Me manga ve Nkumbu ya Munu.” Nkumbu me monana, bawu me kwenda ntama na dénomination yango ya ntama ya kufwa ya Sardes, mpe me kota na Dibuundu ya moyo.

196 Ntangu yayi beto baka nzila ya 9. Ntangu yayi, beto ke tala ntangu yayi mbote, beto ke na kubelama na kima yina kele ya boma:

*Tala, mu ke sala bawu ya synagogue ya Satana, bayina ke tubaka bawu kele ba-Juif, mpe kele ve, kasi ke vunaka; tala, mu ke sala bawu kukwiza mpe kusambila na mantwala ya makulu ya nge, mpe samu na kuzaba ti mu me zola nge.*

197 Ya kele mpimpa mosi ya mbote ya kifuluka, kaka kuna. Beno tala mbote! Yinki bawu kele awa? Bayina ti Yandi kuzonzilaka, bayina kuzwaka Nkumbu ya Yandi na manima ya ntangu nyonso yayi awa na yisi *awa*, na kukwizaka na “Kielo ya kuzibuka” Yesu Klisto (na kuvwandaka na Ndinga ya Luzingu, ya kifuluka na Mpeve-Santu), mpe ntangu yayi Yandi ke tuba, “Ya kele bayina na kati-kati ya nge yina kele na synagogue ya Satana.”

198 Ntangu yayi, mpangi ya munu, kana beno ke zola kaka kuvutuka na—na Pergame, na Apocalypse 2:13, kaka minuti, mpe beno bika munu kulakisa beno kaka awa yina kieleka ya kele: dénomination.

*Mu zaba bisalu ya nge, mpe kisika nge ke zingaka, mpe kisika kiti ya Satana kele: . . .*

199 Beno tala. Laodicée yina . . . to, mu zolaka tuba nsungi ya dibuundu ya ba-nicolaïte yina kisika bawu salaka dénomination. Mpe beno tala mbote, samju na kulakisa ti bawu vwandaka dibuundu, synagogue, dibuundu, dibuundu ya dénomination. Oh, mpangi! “Synagogue ya Satana.” Na yina, bisalu ya dénomination kele ya dyabulu! Ve miklisto, ntangu yayi, beno bambuka moyo, bawu kele Miklisto, kasi yawu mosi dénomination. Mbote mingi.

200 Ntangu yayi, beno me tala Yandi kutuba, “Nge kele na kati-kati ya nge bayina ke tuba bawu kele ‘ba-juif,’ kasi nge me tala bawu kele bantu ya luvunu.”

201 Ntangu yayi, beno bambuka moyo, wanzio ya nene . . . Ntangu yayi na nani yandi ke na kuzonzilaka? Dibundu ya nsuka yayi, kielo yayi ya kuzibuka na kati-kati ya mabuundu zole.

202 Ntangu yayi, nani kulongaka nsungi ya dibuundu ya ntete? Paul. Ntangu yayi beto kwenda na Romains 2:29 mpe kumona yinki kele Juif, na yawu beno ke vwanda ya kundima na kuzaba ti ya—ya kele ve mabanza ya munu na yawu. Romains kapu ya 2, mpe nzila ya 29, ya Romains. Mbote mingi, beto bawu yayi:

*Kasi yandi kele juif, yina kele mosi na kati; mpe nzengolo kele . . . ya ntima, mpe na mpeve, mpe ve na mukanda; yandi yina lukumu kele—kele ve ya . . . yandi yina lukumu kele ve ya muntu, kasi ya Nzambi.*

203 Yinki kele—yinki kele Juif? Muklisto ya Mpeve, ya kufuluka na Mpeve-Santu! “Mu zaba ti nge kele na yisi awa na manima ya nsangu yina ya kusantisama yina ke tuba bawu ‘kele na Mpeve-Santu,’ kasi yandi tubaka yawu, munu ata mbala mosi ve.” Bawu tubaka bawu vwandaka na Mpeve-Santu kukondwa bidimbu ke landa, kasi Yandi tubaka, “Bawu kele bantu ya luvunu.” “Bidimbu yayi ke landa bawu yina ke kwikila.” Lenda ve kusala Yandi kuvuna. Oh, mpangi! Yina ke kufwa meno meso nyonso, nyonso. Beno me mona? Oh, la la!

Mu ke... *Tala, mu ke sala bawu ya synagogue ya Satana, bayina ke tubaka bawu kele ba-Juif*, (“Bayina ke tuba kele ‘Miklisto ya kufuluka na Mpeve,’ ke tuba; synagogue, organisation. Mu ke sala bawu yina ke tuba ‘kele na Mpeve-Santu’; mpe me bongisa nyonso—me bongisa kuna. Bawu me kuzwa ntete ve luzayikisu!” Beno me mona? Mbote mingi.) . . . Mu ke tuba . . . bawu yina ke tubaka bawu kele ba-Juif (kele Miklisto), *mpe kele ve, kasi ke vunaka; tala, mu ke sala bawu . . . kukwiza mpe kusambila na mantwala ya makulu ya nge, mpe samu na kuzaba ti mu me zola nge.*

204 Kaka awa mu lendaka kusala kaka nkotolo na nsangu ya suka. Ya kele mwense ya kulala kaka kuna. Beno lenda kumona yawu? Wapi ntangu yawu vwandaka? Na nsuka ya ntangu. Oh, ntangu bawu kubasikaka. Awa kele . . . Beno me mona? Bawu kele ya kunungisa na nzila ya lukwikilu, ya kusantisa. Ya kunungisa na nzila ya nsangu ya Luther, ya kusantisa na nzila ya awa, kasi me kondwa “Kielo ya kuzibuka.” Beno me mona yawu? Ya kunungisa na nzila ya lukwikilu, na nzila ya Luther; ya kusantisa, na nsungi ya Wesley.

205 Mingi ya bawu ba-Nazaréen ya ntalu, ba-Pèlerin de la Sainteté, ba-Méthodiste Wesleyen, mpe nyonso yankaka, bawu nyonso ke zingaka luzingu ya mbote, ya kutsyema, ya kusantisa, mpe ke banza ti ya kele Mpeve-Santu; mpe bawu ke kuwa muntu kuzonza na bandinga, to kima, bawu ke seka yandi, ke moke yandi, mpe ke tuba, “Ya kele ya dyabulu.” Mpangi, beno ke kanga kitumbu ya beno ntangu beno ke sala yawu. Beno ke vwenza Mpeve-Santu, yina kele ya kukondwa lemvo.

206 Mbote, beno ke tuba, “Beto kele ya dibuundu ya Ntete.” Mu ke kipe ve ya mabuundu yikwa nge kele. Ya kele na kima mosi ve ya kusala na Ndinga ya Nzambi, mpe “kukatula ve to kubwela ve.” Ya kele kaka, “Ba-synagogue ya Satana!”

207 Mu banza ti mu me nyongisa beno ve. Mu—mu ke yinaka kaka kuzonza mutindu yina, kasi ya—ya kele na Kima na kati ya munu yina ke na kupesaka munu ngolo na kusala yawu. Mu zaba ve samu na yinki mu ke sala yawu. Beno zaba ti mu zola ve kusala yawu. Mu ke kuwaka kaka mutindu yankaka ntangu mu ke tubaka yawu, kasi dyaka mu fwana kutuba yawu. Ya kele na

Kima na kati kuna yina ke na kusalaka munu kutuba yawu. Mu ke yinaka ntangu nyonso kuzenga bakento, mu—mu ke kuwaka mingi. . . Kento lenda dila, mpe mu ke kuwa kaka mpasi. Mu—mu ke yinaka kaka kuzenga bakento, kasi ya kele na Kima na kati ya munu yina ke salaka munu kusala yawu. Beno me mona? Kento ya nkadulu ya yimbi (Ooh, bakala!), Mu ke lendaka kaka yawu ve. Samu ti ya kele na Kima na kati ya munu yina ke salaka munu kusala yawu, Mpeve-Santu.

<sup>208</sup> Mpe mu ke tala awa na Ndinga, mu ke banza, “Mfumumu, kana mu kele na foti, lakisa munu yawu. Kubika munu ve kusala yawu kaka na kukwendaka mutindu yina. Bantu zola ve. . . mu zola ve. . . mu zola bantu, Nge zaba yawu. kubika munu ve kunyongisa muntu, Nzambi, Nge zaba ti mu zola ve kusala yawu.”

<sup>209</sup> Kasi Mpeve-Santu ke telama mpe ke tuba, “Telama na Ndinga yina! Vwanda kuna! Vwanda kaka kuna na Ndinga yina!”

<sup>210</sup> Mpe mu ke tuba, “Yinga, Mfumumu. Kana ya. . . Nge kele Nkundi ya munu ya mbote. Nge kele yandi yina kaka mu. . . Nge kele Nkundi ya munu ya kieleka yina ke kwenda na. . . kaka Yandi yina ke sadisa munu ntangu luzingu yayi ke zimbana, na yawu mu ke telama kaka na Nge kuna, Mfumumu.”

<sup>211</sup> Awa mu me kwiza. Mu ke zola ve kunyongisa, lemvo beno baka munu yimbi ve ntangu mu ke na kuzenga ba-organisation yayi mpe nyonso. Ntama na ntwala mu zabaka kima mosi ve na yayi, luzingu ya munu nyonso, mu me zenga yawu. Ata mbala mosi ve kwikilaka na yawu, ya kele samu na yina mu me kangamaka ve na yawu. Mpe. . . Mbote mingi. Matondo na Nzambi na kubumbaka munu na yawu!

*Tala, mu ke sala bawu ya synagogue ya Satana, bayina ke tubaka bawu kele ya kifuluka na Mpeve, mpe kele ve, kasi. . . ke vunaka; mpe Mu ke sala bawu kukwiza. . . kusambila na mantwala ya makulu ya nge, . . .*

<sup>212</sup> Beno ke bambuka ve moyo na mwense ya kulala ntangu yandi vumbukaka? Ntangu yayi, beno bambuka moyo, wapi mutindu ba bokilaka yandi? Ya kele na kumi ya bawu yina basikaka samu na kukutana na Bakala ya makwela. Ya kele kieleka? Tanu vwandaka ya ndwenga, vwandaka na Mafuta na minda ya bawu. Bantu yikwa zaba yina mafuta ke zola kutuba na kati Biblia? Mpeve. Ntangu yayi, mosi zolaka tuba ve, “Beno kele ve ya kusantisama, mpe mu kele ve. . .” Bawu nyonso vwandaka ya kusantisama, mosi na mosi ya bawu. Bawu nyonso ya kusantisama; kasi tanu vwandaka ya ndwenga mingi (na kuzwa ndwenga ya luzayikisu) samu na kusimba Kielo yango, beno me mona, na kuvwanda ya kifuluka na Mpeve. Ba vwandaka na Mafuta na minda ya bawu, mpe bayankaka yina vwandaka na Mafuta ve. Mpe ntangu ba vumbukaka, oh, awa



bawu me kwiza na bawu, me tuba, “Oh! Oh! Beno pesa munu ndambu ya Mpeve-Santu ya beno, Mafuta. Beno pesa munu ndambu!”

213 Yandi tubaka, “Yinga, lemvo, mpangi-kento, mu kele kaka na ya munu ya kulunga. Kieleka mu kele dyaka ve na yina ya kukubula.”

214 Na yawu . . . mpe na mwa ntangu . . . Yandi tubaka, “Beno kwenda sambila mingi.” Mpe na yina bawu kwendaka na kuzwa ndambu, Bakala ya makwela kukwizaka mpe bawu kwendaka na Kudya ya Makwela; mpe bawu bikanaka na ngaanda, kisika bawu kulutilaka na ntangu ya Lukwamusu . . . Beno tala kaka fyoti mbote, mwa banzila dyaka, beno ke mona bawu kotaka kaka na ntangu ya Lukwamusu. Beno me mona?

215 Ntangu yayi, ya kulala . . . Beto ke baka yawu na suka. Yinga, mu ke kwikila ti ya ke vwanda fyoti mbote kana beto vingila samu na yawu, samu ti beto ke kuma kaka awa ntangu yayi, mbote mingi, samu na kukanga.

216 Ntangu yayi beto mona:

*Tala, mu ke . . .*

Ba talaka bawu ti bawu kele bantu ya luvunu, ti bawu kele ve na Mpeve-Santu.

217 Kaka mwa kima mosi awa, lemvo, na yina beto kele beto nyonso kintwadi. Judas Iscariot, mutindu mu zonzaka mazono na nkokila, vwandaka mwana ya zimbani. Biblia ke tuba, “Yandi vwandaka ya kubutama mwana ya zimbani.” Na yina ntangu yandi . . . Mpe Yesu Klisto kubutamaka Mwana ya Nzambi. Na yina, Nzambi vwandaka zinga na kati ya klisto. Ya kele kieleka? . . . Satana vwandaka zinga na kati ya Judas. Kana Yandi vwandaka Mwana ya Nzambi, butamaka Mwana ya Nzambi, na kukitukaka Mwana ya Nzambi; na yina Satana kubutamaka mwana ya zimbani, yandi kitukaka . . . mwana ya zimbani, Satana, dyabulu.

218 Ntangu yayi, kana beno tala, yandi kuvukanaka na Yesu yandi mosi, mpe kumaka mosi ya bawu. Beno me mona? Ntangu yayi, ya kele samu na yina yandi salaka yawu, samu na kusala luvunu yango samu ti yandi kukota na dibuundu na kilumbu yayi. Ntangu yayi, Yesu tubaka, “Ba-synagogue yango kele ya Satana.” Oh, la la! Ya ke ningisa? Ba kele ba-synagogue ya Satana! Ya kele Judas yina ke na kufwanikisaka na kuvwanda Muklisto.

219 Yinki vwandaka dyambu ya ngundi ya Judas? Ya vwandaka mbongo. Kubenda ya kulutila nene na mingi ya bima yayi bubu yayi kele mbongo. Beno tala ba-Assemblée de Dieu, ke tunga yinzo ya nene ya mafuku sambanu ya ba-dollar na lweka awa, mpe ke longi “nkwezulu ya Mfumu ke na kwiza na nswalu.” “Oh, ba-bombe kele na bamwanza samu na kupasula beto,” mpe

kutunga yinzo ya nene ya mafuku sambanu ya ba-dollar. Oh, la la. Mbote, ya bimvwama mpe kele na nsatu. . . Beto ke baka yawu wanzio na nkokila, ntangu yayi, kana Mfumu zola.

220 Ntangu yayi beno tala awa. Oh, beno tala mutindu mabuundu kele nene, ba-organisation ya nene yayi. Bawu ke vukisa mbongo ya bawu kintwadi mpe. . . Oh, kyadi! Bawu ke kuma kaka bantu ya kyazi mpe kyazi ya mbongo. . . bawu kele kaka na bambongo, bimvuka ya kundefisa mbongo na kati-kati ya bawu, mpe nyonso. Ke defisa mbongo mpe nyonso, mabuundu. Mpangi, yina ke wakana ve samu na munu mutindu buntumwa.

221 Pierre tubaka, “Mbongo mpe wolo kele na munu ve, kasi yina kele na munu. . .” Beno pesa munu Yawu, mpe beno baka mbongo nyonso. Ya kele kieleka. “Mbongo mpe wolo kele na munu ve, kasi yina kele na munu mu ke pesa nge: Na Nkumbu ya Yesu Klisto. . .” Ya kele yina vwandaka na yandi, luzayikisu ya Yawu. “Mu ke pesa nge: Na Nkumbu ya Yesu Klisto telama mpe tambula.”

222 Mbote mingi, ntangu yayi beto me tala awa ti bawu vwandaka “ba-synagogue ya Satana.” Ntangu yayi, wapi mutindu bawu lenda vwanda? Ntangu yayi, Judas ntangu yandi kwizaka. . . Ntangu yayi beno tala! Kaka pene na ntangu yina Yesu kotaka na kosalu, Judas kotaka na kosalu. Beno me tala yawu? Mpe kaka pene na ntangu Yesu katukaka na kosalu, Judas katukaka na kosalu. Kaka pene na ntangu Mpeve-Santu ke vutuka dyaka na kosalu, Judas ke vutuka na kosalu. Mpeve ya mbeni ya Klisto, samu na kusala, mpe na bana ya yintu ngolo, na kukipeke ve Biblia, kasi na kukipeke dénomination. Beno me mona? Mpe bawu salaka na bawu synagogue! Mpe Yesu tubaka awa, “Ya kele synagogue ya Satana.” Wapi kisika? Ya kuvwanda *awa* na nsungi yayi. Wapi mutindu ya bandaka ntama *awa*? Na organisation. Ya kele kaka kima yina ya salaka *awa*. “Synagogue ya Satana.” Beno me bakula yawu?

223 “Synagogue ya Satana,” Yandi tubaka, “bayina ke tubaka ti bawu kele ya kifuluka na Mpeve.” Ntangu yayi, wapi mutindu bawu lenda tuba yawu?

224 Judas, ntangu yandi vwandaka awa na ntoto, yandi kutanaka na Yesu, salaka funguna ti yandi vwandaka mukwikidi na Yesu, mpe kumaka trésorier, vwanda bumbaka mbongo nyonso. Ya kele kieleka? Beno nyonso zaba yawu. Ntangu yayi, kana yandi kwikilaka na Yesu Klisto, yandi ndimaka (na mutindu ya luvunu) kunungisama. Ya kele kieleka? Na Romains 5:1, “Na yawu na kuvwandaka ya kunungisa na nzila ya lukwikilu.” Ya kele kieleka. Mbote mingi.

225 Ntangu yayi, dyaka kima yankaka, na Santu Jean 17:17, Yesu kusantisaka bawu na nzila ya Kieleka, Yandi tubaka, “Ndinga ya Nge kele Kieleka,” mpe Yandi vwandaka Ndinga.

226 Mpe Yandi pesaka bawu ngolo na kutelemina bampeve ya yimbi; na kubasika mpe kuzwa balukutakanu ya kubelusa, mpe kubasisa bampeve ya yimbi, mpe—mpe kusala mitindu nyonso ya bimangu. Mpe ntangu bawu kuvutukaka, Judas na bawu. . . Ntangu yayi beno tala mbote, ba-Nazaréen, ba-Méthodiste Wesleyen! Na kuvutukaka, na kusepela, mpe na kyese ya kulutila, mpe na kukembisaka Nzambi, mpe na kuboka samu ti bampeve ya yimbi vwandaka tumama na bawu. Mpe Yesu tubaka, “Beni sepele ve samu ti bampeve ya yimbi ke na kutumama na beno, kasi beno sepele samu ti nkumbu ya beno kele ya kusonika na Buku ya Luzingu.”

227 Mpe beno bambuka moyo ti Judas vwandaka mosi ya bawu! Beni me mona, yandi lendaka kuvuna dibuundu tii kuna. Yandi salaka kaka na kati-kati ya bawu, beno zaba, kasi ntangu ya kumaka na Pantekote yandi lakisaka bantinta ya yandi. Ya kele kieleka yina yandi salaka na ya nte- . . . na dibuundu ya ba-Méthodiste, mpe yina yandi salaka na dibuundu ya ba-Lutherien, mpe yina yandi salaka na dibuundu ya ba-Nazaréen, mpe Mabuundu ya Nzambi mpe bayankaka, yandi kumaka tii kusantisama; ntangu ya kumaka na mbotika ya Mpeve-Santu samu na kuzonza na bandinga, mpe kuzwa bidimbu mpe mambu ya ngitukulu, bawu fundisaka Yawu.

228 Bawu ke baka nzila ya kubeluka ya Nzambi samu na beno. Kieleka, Judas salaka mpe. Beni me mona? Kasi ntangu. . . Ya kele na kubeluka mingi ya Nzambi. Bawu kele na nzila bubu yayi, mpangi, ke telama bangunga zole mpe ke tuba, “Bima ya beno ya bilanga ke kuzika kana beno pesa ve makumi tanu yango ya ba-dollar na nokokila yayi, mosi na mosi ya beno.” Mpe bima nyonso ya mutindu, ya kele dyabulu. Kieleka ya kele. Mu ke kwikilaka na kubeluka ya Nzambi na ntima ya munu nyonso. Kasi kima yina kele ya dyabulu, kieleka, ya kele ya dyabulu. Mu ke kipe ve lutangu beno lenda sala, to mingi ya kulutila; Judas mpe, basisaka bampeve ya yimbi.

229 Yesu tubaka, “Mingi ke kwiza na Munu na kilumbu yina, ke tuba, ‘Mfumu, Mfumu, mu. . . basisaka ve bampeve ya yimbi na Nkumbu ya Nge mpe mu salaka ve bisalu ya nene?’”

230 Yandi tubaka, “Kana beno salaka, mu zaba kima mosi ve na yawu. Beni katukila munu, beno bisadi ya disumu ya nko, mu zaba beno ve.” Kieleka.

231 Oh, mpangi, “Mwelo kele ya fyoti, mpe nzila kele ya kukangama, ya kele na bantu fyoti ke mona Yawu.” Beto ke na kuzonzila na “fyoti” yayi samu ti beto kele na nsungi ya nsuka kisika ya fwana vwanda na fyoti. Beni kuzwa Yawu, lemvo, bankundi!

232 Beni banza ve ti mu kele ya kutelama awa. . . mu ke zola mingi. . . Kana ya vwandaka munu, mu zolaka—mu zolaka. . . Samu na munu, mu lendaka kotisa luvunu na munu mosi mpe

kutuba, “Beto baka ba-Assemblée de Dieu to mouvement mosi, kuvukana kaka na bawu mpe kulandila na bawu.” Kasi, oh, mpangi, mawa na munu kana mu sala yawu! Mawa na munu! Mu zaba ya mbote kulutila yawu. Nzambi lendaka fidisa munu na difelo na kusalaka kima ya mutindu yina. Yinga, tata. Kana mu kele na . . . Mu fwana kanga kimbangi ya munu na luzingu ya munu, mu fwana kukanga yawu, kaka yina. Samu ti ya kele na Kima mosi na kati ya munu, mu lendaka sala dyaka yawu ve kulutila kima mosi ve na yinza.

233 Mu zaba yayi kele Kieleka, mpe mu fwana telama na lweka ya Kieleka, mpe Biblia ke simbidila Yawu. Organisation ke telemina Yawu, kasi Biblia ke tuba ti Yawu kele kieleka. “Ti dyambu nyonso ya muntu kuvwanda luvunu, mpe ya Yandi kieleka.” Ya kele Kieleka, kaka Yawu, Beno vwanda na Yawu.

*. . . ke sala bawu . . . synagogue ya Satana, . . . (Mbote mingi.) . . . Mpe bawu ke zaba . . . ke kwiza na makulu ya nge, mpe . . . kuzaba ti mu me . . . zola nge.*

*Samu ti nge me bumba bandinga ya mvibudulu ya munu, munu mpe ke bumba nge na ngunga ya mpukumunu, . . .*

234 Beno tala mbote ntangu yayi, samu na kulakisa ti yayi kele ve nsungi ya ba-Méthodiste, dyaka, ya kele na kulutuka. Beno tala! Beno me yilama samu na kuwa? Muntu nyonso? Beno kuwa mbote ntangu yayi:

*Samu ti nge me bumba ndinga ya mvibudulu ya munu, munu mpe ke bumba nge (nkonga yango ya fyoti yina bikanaka) na ngunga ya mpukumunu, ntangu . . .*

235 Dibuundu ke kuma na kisika beno ke vwanda ya kukwika na kukota na organisation yayi to—to kuvwanda . . . beno ke—beno ke kuzwa yawu, mpangi. Kaka yina. Beno ke vwanda to ya kubongisa to kubaka kidimbu ya kibulu, to kubaka . . . Beno ke bongisa yawu, to beno ke kota na dénomination (yina kieleka ke na kukwizaka kidimbu ya kibulu), samu ti ya kele kumanga. Beno me mona?

*. . . ke kwiza na . . . yina ke kwiza na yinza nyonso, samu na kumeka bawu yina ke zingaka na zulu ya ntoto.*

*Tala, mu ke kwiza na nswalu: kangama mingi na yawu na yina kele na nge, ti muntu ve kubaka yimpu ya nge.*

236 Ntangu yayi “mpukumunu” yayi ya nene, ngunga ya mpukumunu yina ke kwiza samu na kumeka yinza nyonso, na kukota na Lukwamusu. Kaka na baminuti fyoti beto ke mona yawu. Ke kota na Lukwamusu, mpe Lukwamusu kukwizaka ve na bilumbu ya Wesley. Na yawu na wapi nsungi beto kele? Yinki kele “Kielo” yayi ba me tula na ntwala? Ya kele na kati-kati ya Wesley mpe . . . kisika kaka dibuundu ke na kukwendaka na ntwala ntangu kaka yayi, mpe kele yimeni na kati, nsungi ya

Laodicée. Kasi mwa kisika yayi kaka na kati awa, na kati ya bamvula makumi tatu na tanu me luta, to makumi yiya, ya me vwanda “kielo ya kuzibuka” ma kuvwandaka kaka na ntwala ya bantu samu na kukota, mpe Nzambi ke baka yina bikanaka mpe ke tula Yawu kidimbu na lweka. Mpe bawu ke landila na madidi ve tiya ve mpe Yandi ke losa bawu na yinwa ya Yandi. Ba ke zenga kisalu na nkufi, ke kwenda na zulu Dibuundu, mpe awa ke kwiza mbeni ya Klisto ke kota na kisalu samu na kubeba. Kaka ya kulunga, ya ke fwana na Biblia ya muvimba nzila nyonso. Mbote mingi, ntangu yayi.

<sup>237</sup> Mpe awa kele kutalana ya mwense ya kulala mpe. Awa ke lakisa ti bansungi ya dibuundu ya nsuka ke tambula na kisika ya ntete ya Pantekote, samu ti bawu ke kota na Lukwamusu ya Nene yina ke kwiza . . . yina kwizaka ve na nsungi ya Wesley.

<sup>238</sup> Nzila ya 11, mbote mingi, “yimpu ya Luzingu.” Nzila ya 11 ke tuba:

*Tala, mu ke na kwiza na nswalu: . . . (Yinki? Na nswalu na manima ya yayi ntangu yayi, beno me mona.)*

*Tala, mu . . . kangama mingi na yawu na yina kele na nge (kangama na yawu), ti muntu ve kubaka yimpu ya nge.*

<sup>239</sup> Yinki kele “yimpu”? Yinki kele yimpu? Ya kele—ya kele—ya kele . . . *Yimpu* zola kutuba ti nge “kele—kele na domaine.” Beno kele ntinu kana beno kele ya kubyadisa. Beno me mona? Mpe beto kele bana ya Nzambi ntangu beto me byadisa na Luzingu ya Kukonda nsuka, mpe domaine ya beto kele ntoto, “Kusala beno banganga-Nzambi mpe bantinu samu na Nzambi.” Ya kele kieleka? Na yawu beno tala.

<sup>240</sup> Mpe na Jérusalem ya Malu-malu, mutindu ti bantinu ya ntoto ke nata nkembo ya bawu na Mbanza kuna. Oh, ya kele mbote! Ti . . . kana beno zola kubaka yawu. Beno me mona, kaka mutindu kulezima mutindu bambwetete, bayimpu. Mpe Daniel 12:3 ke pesa kutanga ya nene, ya yawu, kana beno ke zola kusonika yawu. Ya lendaka vwanda ti beno ke kuzwa kaka ntangu samu na baminuti fyoti samu na kubaka yawu. Beto baka Daniel, yinki ya ke tuba awa, na kapu ya 12 ya Daniel. Mbote mingi. Beto banda na ya ntete, na kapu ya 12:

*Mpe na ntangu yina Micaël . . . (Beno me mona? Oh, beno zaba nani ya kele!) . . . ke . . . telama, mwana ya ntinu ya bakala ya nene yina ke telama samu na bana ya bantu ya nge: mpe ya ke vwanda na ntangu mosi ya mpasi, (Yinki ya kele? Kaka na manima ya yayi. Lukwamusu!) ya mutindu ata mbala mosi vwandaka tuka ya vwandaka tii yinsi mpe na ntangu mosi yina: mpe na ntangu yango bantu ya nge ke vwanda ya kukuula, muntu nyonso yina ba ke tala ya kusonama na buku.*

*Mpe mingi ya bawu yina kele ya kulala na fundu-fundu ya ntoto ke vumbuka, mpe bayankaka samu na luzingu ya kukondwa nsuka (yimpu), mpe bayankaka samu na nsoni mpe kinsoni ya kukondwa nsuka.*

*Mpe bawu yina ke vwanda ya ndwenga ke lezima mutindu nsemo ya dizulu; mpe bawu yina balulaka mingi na ludedomo ke...mutindu bambwetete ya ntangu na ntangu.*

241 Oh, mpangi, beno tala “yimpu” ya beno, yimpu yango ya nkembo ya Luzingu ya Kukonda nsuka! Yimpu ya Luzingu ya Kukonda nsuka.

242 Nzila ya 12, kaka na nswalu ntete beto...Mpe mu banza beto ke kwenda awa na manima ya yawu kuna.

*Yandi yina ke nunga mu ke sala yandi dikunzi na tempelo ya Nzambi ya munu,...*

243 Ntangu yayi beto ke baka yayi kieleka na nswalu samu ti mu me luta ngunga na baminuti tanu. Kasi beno lenda lala mwa fyoti na suka, ve? Mama, beno bika yandi kulala. Nge vumbuka mbote mingi, kasi Papa kele na mwa mpasi na kuvumbuka. Kasi beno bika kaka yandi kulala mwa fyoti. Beno basika na malembe, beno sala kafé ya yandi, to nyonso yina yandi zola, mpe yandi ke vwanda na nkadulu ya mbote.

*Yandi yina ke nunga mu ke sala yandi dikunzi na tempelo ya Nzambi ya munu,...*

244 Oh, beto baka kaka yawu mpova na mpova kaka minuti mosi. Beno lenda ndima munu, kaka mwa ntangu fyoti? Mu zaba ti tiya kele, mpe beno zaba ti ya kele tiya mpe na zulu awa. Kasi beto mona:

*...Mu ke sala...Yandi yina ke nunga mu ke sala yandi dikunzi na tempelo ya Nzambi ya munu,...*

245 “Dikunzi.” *Dikunzi*, to “lufulu.” Lufulu na tempelo ya Yinzo, to ya Yinzo ya Nzambi. “*Tempelo ya Nzambi ya munu*,” to, “‘Yinzo’ ya Nzambi ya munu.” Ya kele dikunzi, lufulu. Bayayi kele bayina bakaka Ndinga yina bawu kuwaka (na nzila ya 8), mpe vutukaka na lufulu.

246 Ntangu yayi beto baka Ephésiens 2:19, kuna na dibuundu ya Ephèse. Beno zaba, beno fwana vutuka na Ephèse, yina vwandaka ntonono. Ya kele kieleka? Mbote mingi, beto vutuka na Ephèse kisika Paul vwandaka, dibuundu yina yandi tulaka na kisika. Mpe beto mona ntangu yayi kisika beto kele. Mbote mingi, dibuundu ya Ephèse. Beto vutuka manima ntangu yayi mpe beto mona yinki lufulu yayi kele ntama kuna, mpe kumona yina Paul kutubaka samu na lufulu ntama na nsungi ya dibuundu ya ntete yina kuna. Ntangu yayi yandi ke na kuzonzaka na ba-Ephésien:

*Ntangu yayi na yawu beno kele dyaka ve banzenza to mipaya, kasi bantu ya mbanza na bansantu, mpe ya yinzo ya Nzambi;*

*Mpe kele ya kutunga na zulu ya lufulu ya . . . (ba-lutherien, to ya—to ya ba-Baptiste . . . Ntangu yayi, beno vingila, mu me kota na muvusu, ve? Uh-oh.)*

*Kasi kele ya kutunga na zulu ya lufulu ya bantumwa mpe baprofete, Yesu Klisto yandi mosi na kuvwandaka ditadi ya mfunu ya lufulu;*

<sup>247</sup> Nyonso kotaka na Kielo, Yesu! “Mpe yandi yina ke nunga Mu ke sala yandi dikunzi.” Na bampova yankaka, kitini ya lufulu. “Yinki Mu ke pesa yandi? mu ke tula na kati ya yandi Malongi ya bantumwa mpe ya ba-profete ya ntonono, mpe ke pesa yandi Luzayikisu.” Yinki baprofete tubaka samu na Yandi? Yandi kele Konseye, Mwana ya ntinu ya Ngemba, Nzambi ya Ngolo, Tata ya kukondwa nsuka. Ya kele yina bawu tubaka, baprofete, bantumwa. “Mpe yandi yina lenda nunga ba-synagogue nyonso yayi ya Satana, ke kangama yandi mosi na kimpwanza mpe kutala mbala mosi na Mwelo, Mu ke sala yandi dikunzi, Mu ke vutula yandi na lufulu ya Ndinga ya Munu na Yinzo ya Nzambi ya Munu.” Oh, la la! “Mu ke kotisa kaka yandi kuna na dikunzi yango, na lufulu kisika beno ke vwanda kaka na kati ya Ndinga.” Amen. Mu zola yawu, mpangi, Yawu kele mbote. Mu lendaka talana kima ya kusekisa, mu . . . kasi mu ke na kuwa mbote. Mbote mingi.

*. . . ke sala yandi . . . Yandi yina ke nunga . . . ke sala yandi dikunzi na tempelo ya Nzambi ya munu, mpe yandi ke kwenda dyaka ve na ngaanda: . . .*

Yinki ya kele? Kana yandi kele dikunzi, yandi ke basika dyaka ve. Yandi kele Kento ya makwela! Ya kele kieleka.

<sup>248</sup> Mutindu nsangu ya Ephèse, mutindu Paul kulongaka bawu na Actes . . . Ntangu yayi, beno vingila minuti. Kana beno ke vwanda dikunzi . . . Mu vwandaka na Disonuku yankaka ya kutotika awa yina mu zola beno kuzwa ntete beto baka Kento ya makwela. Ntangu yayi, kana yandi ke vwanda dikunzi, beno ke vutuka na Ephèse, beno ke vutuka na nsungi yina Paul vwandaka. Mpe Paul, wanzio ya Ephèse, yina vwandaka ntonono ya dibuundu, lufulu, yandi longaka bawu, “Kana bawu kubotama na mutindu mosi yankaka na ngaanda ya Nkumbu ya ‘Yesu Klisto,’ bawu zolaka botama dyaka.” Ya kele kieleka, Actes 9, to 5:19, to 19:5, na kisika. Na Galates 1:8, yandi tubaka, “Kana wanzio kulonga kima yankaka, ti yandi vwanda ya kusinga.”

<sup>249</sup> Ba vwandaka mpe Kento ya makwela yina vwandaka na tempelo. Ntangu yayi beto baka Apocalypse kapu ya 7, beto mona kana bawu vwandaka Kento ya makwela, Apocalypse kapu ya 7.

<sup>250</sup> Ntangu yayi, mu lendaka, mu—mu . . . Beto ke na kuzonzila aw, na bayina bikanaka ya Israël, nkama mpe makumi yiya na

yiya ya mafunda, mpe nyonso yina, kasi ti—ti beto kubika kaka yawu kaka mwa ntangu fyoti mpe kukulumuka awa pene na nzila ya 12. Beto tuba, ya kele lukutakanu ya pantekote kuna! Yayi kele bantu yina vwandaka . . . beno me mona . . . Mbote, beto ke banda awa na nzila ya 9 samu ti ya ntete kele samu na Israël, mpe ya vwandaka na nkama mpe makumi yiya na yiya ya mafunda ya bawu yina ba tulaka kidimbu, yina beto ke baka mbasi.

Mpe . . . *na manima ya bayayi mu monaka, mpe, tala, nkonga ya nene ya bantu, yina muntu ve lendaka tanga, . . .*

251 Ntangu yayi, beno bambuka moyo, kubanda ya 4 na 8 ya kel Israël, yina vwandaka bakalaka, mikengi ya tempelo. Beno me mona, beto ke baka yawu na suka, kana Mfumu zola. Yandi ke tula kidimbu kuna, na makanda nyonso kumi na zole. Ya dikanda ya Juda, Yandi tulaka kidimbu na kumi na zole; Ruben, Yandi ytulaka kidimbu na kumi na zole; ya Gad, Yandi tulaka kidimbu na kumi na zole; mpe Levi; mpe Zabulon; mpe Benjamin, kumi na zole. Mpe makanda yikwa kele kuna na Israël? [Dibuundu me vutula, “Kumi na zole.”—Mu.] Mbote, yinki kele kumi na zole na kumi na zole? Nkama mpe makumi yiya na yiya ya mafunda. Mpe bawu nyonso vwandaka bana ya Israël; Jean zabaka bawu, mosi na mosi, yandi vwandaka Juif.

*Na manima ya yayi . . . tala, lutangu ya nene, yina muntu ve lendaka tanga, (Awa ke kwia Bantu ya makanda.) ya bayinsi nyonso, . . . makanda, . . . bandinga, telamaka na ntuala ya Nzambi, mpe . . . ya Mwana - dimeme, ya kulwata ba-robe ya mpembe, mpe mandala na diboko ya bawu;*

252 Ya kele bantu yango ya mawa ntama kuna bayina kufwaka (mpe bankosi kudyaka bawu, mpe nyonso yankaka) samu na Nsangu ya mbote yayi ya Mpeve-Santu yina landilaka na kubasisa menga. Mafunda na mafunda ya bana ya fyoti na bayintu ya bawu ya kubebisa na babala-bala, mpe nyonso yankaka, kuna bawu kele ya kutelama! Ya kulwata ba-robe, mpe na mandala na diboko ya bawu. Oh, la la!

*Mpe bawu bokaka na ndinga ya ngolo, na kutubaka, Mpulusu na Nzambi ya beto yina me vwanda na zulu ya kiti ya kimfumu, mpe na Mwana - dimeme.*

*. . . Mpulusu na Nzambi ya beto yina me vwanda na zulu ya kiti ya kimfumu, . . . na Mwana - dimeme.*

*Mpe bawanzio nyonso telamaka na kuzungilaka kiti ya kimfumu, mpe bakuluntu mpe bima yiya ya moyo, . . . kubwaka na zulu ya bawu . . . kubwaka na ntuala ya kiti ya kimfumu na bizizi ya bawu, mpe sambilaka Nzambi,*

253 Beno kuwa, kana beno ke banza ti yayi kele ve lukutakanu ya pantekote:



*Na kutubaka—na kutubaka, Amen: Balusakumunu, . . . nkembo, . . . ndwenga, . . . matondo, . . . buzitu, . . . lulendo, . . . ngolo, kuvwanda na Nzambi ya beto samu na ntangu nyonso mpe ntangu nyonso. Amen.*

254 Fiu! Ya ke wakana mutindu ti bawu kuzwaka lukutakanu na kan kuna, ve? Uh-huh.

*. . . mosi ya bakuluntu yina—yina vutulaka, kuyufulaka na munu, . . . to, na kutubaka na munu, Banani kele bayayi yina kele ya kulwata ba-robe ya mpembe? Mpe wapi kisika bawu me katuka?*

“Ntangu yayi, nge kele Juif, nge zaba makanda nyonso kumi na zole. Ntangu yayi, nani kele bayayi? Wapi kisika bawu me katuka? Bawu vwandaka ya kulwata ba-robe ya mpembe, wapi kisika bawu me katuka? Ve dikanda ya Benjamin mpe bayankaka. Nani kele bayayi na lweka awa?”

255 Mpe Jean vwandaka mingi . . . ? . . .

*. . . mu tubaka na yandi, Tata, nge zaba. (“Ya me—ya me kuzwaka munu! Mu—mu . . .” Beno me mona?) Mpe yandi tubaka na munu, Bayayi kele bawu yina me katuka na balukwamusu ya nene, mpe me sukula ba-robe ya bawu, mpe me kumisa yawu mpembe na menga ya Mwana-dimeme.*

*Samu . . . Na yawu bawu kele na ntuala ya kiti ya kimfumu ya Nzambi, (na kati ya Yinzo) mpe ke sadila yandi kilumbu mpe mpimpa na tempelo: mpe yandi yina kele ya kuvwanda na zulu ya kiti ya kimfumu ke zinga na kati-kati na bawu.*

*(Ya ke talana mutindu ti bawu vwandaka na nsatu ya kudya mwa fyoti, ve?) Bawu ke vwanda dyaka ve na nsatu ya kudya, (Nkembo!) to dyaka bawu ya kunwa dyaka maza; to dyaka nsemo ke lezima na zulu bawu dyaka, to tiya mosi.*

*Samu ti Mwana-dimeme yina kele na kati-kati ya kiti ya kimfumu ke dikisa bawu, . . . ke twadisa bawu na bayinto ya bamaza: mpe Nzambi ke kusuna . . . masa ya meso nyonso na disu ya bawu.*

Yandi yayi; beno Kento ya makwela. Oh, la la! Mutindu ya kele kitoko! Kento ya makwela!

256 Beto mona yina Yandi tubaka awa ntangu yayi, samu beto vwanda ya kundima ti beto ke kondwa ve yawu ntangu yayi, na ya 12:

*Yandi yina ke nunga ke vwanda dikunzi na tempelo ya Nzambi ya munu, mpe . . . ke kwenda dyaka ve na ngaanda: . . .*

Kento ya makwela ya kutelama kuna na Bakala ya makwela. Oh!

257 Oh, oh, kana beto zolaka vwanda na ntangu ya kubaka yina kele na munu (ya kele samu na buku kuna); kuna na Apocalypse, ya ke tuba, “Bantinu nyonso ya ntoto nataka buzitu ya bawu na yawu.” Ya kele mutindu. . . (mutindu) dikanda ya Levi: bayankaka nyonso ya bawu vwandaka futa kikunku ya kumi na yandi, beno me mona; katuka ngonda mosi ya malu-malu na yankaka, saba mosi na yankaka, bawu vwandaka mata na kusambila. Wapi kilumbu ya ke vwanda! Mbote mingi. “Mpe Mu ke. . .” Beto mona, “Ke kwenda dyaka ve na ngaanda.” Mbote mingi:

*. . . dikunzi na tempelo ya Nzambi ya munu, . . . mpe mu ke sonika na zulu ya yandi nkumbu ya Nzambi ya munu, . . .*

258 Ntangu yayi, yinki kele Nkumbu ya Nzambi? Yesu. Kana beno ke zola kusonika yayi (Ngunga me kwenda fyoti na ntwala samu na beto.), “Yesu!” Ephésiens 3:15 ke tuba, “Na Mazulu mpe na ntoto, nyonso kele ya kubokila Yesu,” beno me mona. Mbote mingi. Mbote mingi, ntangu yayi. Mbote mingi:

*. . . mpe nkumbu ya mbanza ya Nzambi ya munu, yina kele Jérusalem ya malu-malu, yina ke kulumuka na mazulu na kukatukaka Nzambi ya munu: Mu ke tula na yandi. . . (Oh! Kana beno ke mona, ya kele nyonso Nkumbu mosi, beno zolaka simba yawu yimeni. Beno me mona? Beno me mona?). . . Mu ke tula na yandi. . . nkumbu ya mbanza ya Nzambi ya munu, . . .*

259 “Mbanza.” Yandi landilaka mpe tubaka, “yina kele Jérusalem ya Malu-malu.” Beno me mona, Jérusalem ya Malu-malu. “Mu ke tula na yandi Jérusalem ya Malu-malu.” Ntangu yayi, Kento ya makwela, to Dibuundu, kele Jérusalem ya Malu-malu. Bantu yikwa zaba yawu? Dibuundu yawu mosi kele Jérusalem ya Malu-malu. Beno ke kwikila yawu?

260 Beto talisa kaka yawu. Apocalypse 21, mu banza ya kele, kuna yina mu zola. Mbote mingi, beto tala awa na manima samu beto kulakisa beno. Biblia ke tuba, “Beni teza bima nyonso,” beno me mona. Ntangu yayi, Apocalypse 21. Oh, beno kuwa yayi mbote. . . yayi. . . beno kuwa yayi, beno zola kumona yina Mbanza ya malu-malu yayi (ya Nkumbu ya Nzambi) ya Yandi kele.

*Mpe mu monaka mazulu mpe ntoto ya malu-malu: samu ti mazulu ya ntete mpe. . . ntoto ya ntete kulutaka; mpe kuna vwandaka dyaka ve na mubu.*

*Mpe munu Jean kumonaka mbanza ya santu, Jérusalem ya malu-malu, kulumukaka na Nzambi na mazulu, ya kuyilama mutindu kento ya makwela yina me bongama samu na bakala ya yandi.*

261 Dibuundu ya malu-malu kele Dibuundu ya Makanda, Kento ya makwela. Kento ya makwela kele Bantu ya makanda, mpe Bantu ya makanda ke na Nkumbu ya Yandi. Yandi basisaka bantu na Bantu ya makanda samu na luzolo ya Nkumbu ya Yandi. Beno ke kwikila yawu?

262 Kana beno ke kwikila yawu ve, beno baka Actes 15:14 mpe beno tala. Actes 15:14, kana beno ke zola kubaka yawu kaka sekonde, mpe beto ke . . . na yina beno ke . . . Actes kapu ya 15 mpe nzila ya 14, mu banza beto ke kuzwa yawu. Ntangu yayi, beto me kuma kaka pene na kukanga. Actes 15, mpe nzila ya 14:

*Mpe na manima ya yawu bawu me manisa kuzonza, Jacques kuvutulaka, na kutubaka, Bampangi, beno kuwa na munu:*

*Simon me tuba mutindu Nzambi na ntete kwendaka kutalana na Bantu ya makanda, samu na kubasisa na bawu bantu samu na nkumbu ya yandi.*

Uh-huh. Mbote mingi, Yandi yayi. Oh!

263 Ntangu yayi mu banza yina kele kaka pene mingi na nsuka ya yawu, mpe ntangu yayi beto ke kanga na kutubaka ti yayi kele Yandi.

*. . . mpe mu ke sonika na zulu ya yandi nkumbu ya Nzambi ya munu, mpe nkumbu ya mbanza ya Nzambi ya munu, . . .*

Yina kele nyonso mutindu mosi: Yesu, Yesu, Yesu. Mpe Kento ya makwela na kukwelanaka na Yesu, ke kumisa yandi Mama Yesu; mpe nyonso yina, beno me mona.

264 Ya kele na bakento ya kitoko mingi na kati ya yinzo yayi na nkokila yayi, ya kitoko mingi, kasi ya kele na mosi ya bawu yina kele ya munu, yandi kele na nkumbu ya munu. Mu banza beno me bakula yawu. Yandi ke na kunata nkumbu ya munu, mutindu mosi Kento ya Yandi ya makwela. Mbote mingi:

*. . . mu ke sonika na zulu ya yandi nkumbu ya Nzambi ya munu, . . . yina kele Jérusalem ya malu-malu, yina ke kulumuka . . . to, mbanza ya Nzambi ya munu, yina kele Jérusalem ya malu-malu, yina ke kulumuka na mazulu na kukatukaka Nzambi ya munu . . . na kukatukaka Nzambi ya munu: mpe mu ke sonika na zulu ya yandi nkumbu ya munu ya malu-malu.*

265 Mu ke sala mbote na kubika yawu, ve? Mbote mingi. Beno tala, “yandi” ya kele yawu mosi. Ntangu yayi kana beno ke vutuka na Apocalypse 2:17 kaka minuti, kaka samu na kuvuukila yawu kaka sekonde:

*Yandi yina kele na dikutu, ti yandi kuwa yina Mpeve ke tuba na mabuundu; Na yandi yina ke nunga mu ke pesa ya kudya mani ya kubumbama, mpe ke pesa yandi ditadi ya mpembe, mpe na ditadi nkumbu ya malu-malu*

*kele ya kusonama, yina muntu ve zaba kana kaka yandi  
yina me kuzwa yawu.*

266 Beno zola ve Yandi? Yandi kele ve kitoko?

Mu zola Yandi, mu zola Yandi  
Samu Yandi zolaka munu ntete  
Mpe futaka mpulusu ya munu  
Na yinti ya Calvaire.

267 Beno zaba, mu ke zolaka kuyimba na Kimpeve na manima ya lukutakanu kisika beno me kuzwa kuzenga yayi mpe nyonso. Beno ve? Oh, mutindu mu zola kukota na Kimpeve kuna. Ndinga! Beno me mona, Ndinga me kubwa ntangu yayi, ntangu yayi yina Yawu ke vwanda na nsatu kele mwa madidi. Beno me mona, mwa mikembo, kuna Yawu ke banda na kukula, beno me mona. Oh, beno zola ve Yandi? Beto telemisa maboko ya beto mpe beto yimba yawu:

Mu zola Yandi, mu zola Yandi  
Samu Yandi zolaka munu ntete  
Mpe futaka mpulusu ya munu  
Na yinti ya Calvaire.

268 Oh, ti beto kulumusa kaka yintu ya beto mpe kutuba: “Tata, beto zola Nge. Beto zola Nge. Oh, mutindu beto zola Nge! Beto me tonda kaka Nge, mingi, Mfumu. Oh, bantima ya beto—ya beto ya bumuntu lenda ve kutuba yina beto ke kuwa na kati ya beto, na mutindu Nge me sukula beto na Menga ya Nge Mosi. Beto kele banzenza, Mfumu. Beto—beto vwanda zolaka bima ya yinza, mpe beto vwandaka beto nyonso—nyonso na poto-poto kuna na kati ya bima ya yinza, mpe Nge me kulumuka na lemvo ya Nge mpe me kotisa maboko ya Nge ya ntalu ya santu na poto-poto ya disumu yina beto vwandaka, me basisa beto, me soola beto, me sukula beto, me vedisa beto, me tula Mpeve ya malu-malu na kati ya beto, mpe me balula baluzolo ya beto na bima ya zulu. Mutindu beto zola Nge, Mfumu!”

269 Na nsungi ya luvunu yayi, ti ya kele na kima dyaka ve na yinza yina me bikana samu na beto, Mfumu. Ya kele na kima ve yina me bikana samu na yinza, ya me—ya me—ya me kuma na nsuka ya ntangu. Beto ke mona na nzila ya Biblia, konso nsungi me kwenda. Beto ntangu yayi kele na nsuka, ya ke na kukima na nswalu. Ya ke vwanda dyaka ntangu mingi ve ti Yesu ke kwkiza. O Nzambi, tula bantima ya beto na tiya, kubika beto ve kuvwanda swi. Mu ke banza, yinki zolaka sala Santu Paul ya nene kana yandi vwandaka awa na nkokila yayi mpe zolaka mona bima mutindu ya kele? Wapi mutindu yandi. . . Muntu yina, ba zolaka tula yandi na boloko ntete nsemo ya kilumbu, yandi zolaka vwanda awa na kutubaka na bantu na kukubama na nkwizulu ya Mfumu.

270 Na ngunga yayi, Mfumu, ya kele na bantu mingi ya kubela samu ti awa kele na bamuswale mpe balombilu ya kutula awa.

Mu ke sambila ti Nge ke belusa mosi na mosi ya bawu, Tata. Beto zaba ti ya kele ndambu ya kosalu ya Nge yina Nge ke talisa kukondwa kubwa na kuvwandaka Kieleka, “bidimbu na kulandaka mukwikidi.” Ba katulaka na nzutu ya Paul bamuswale mpe bilele mpe fidisaka yawu na bantu ya kubela; mpe bampeve ya yimbi vwandaka basika na bawu, mpe bawu kubelukaka samu ti bantu vwandaka kwikila na Nzambi ya moyo. Pesa dyaka yawu na nkokila yayi, Tata, na yina mu me pesa bawu na Nge, na nzila ya Yesu Klisto.

<sup>271</sup> Mpe ntangu yayi, Mfumu, mu ke sambila ti Nge ke baka myelo ya beto na diboko ya Nge, sukula beto, kandula beto, samu ti Yawu ke tuba ti Nge vwandaka “kwiza samu na Dibuundu ya kukondwa ditona to mifutu.” Ti fer ya tiya ya Mpeve-Santu kubyeta kaka mifutu nyonso na beto, mpe beto ya kulelika ya kuyilama samu na nkwizulu ya Mwana ya muntu.

<sup>272</sup> Ntangu yayi, Tata, beto ke sambila ti balusakumunu ya Nge kupema na zulu ya beto. Kusambila na beto, Tata. Beto ke sambila Nge. Beto ke telama mpe ke pesa Nge bantima ya beto. Beto . . .



*NSUNGI YA DIBUUNDU YA PHILADELPHIE* KNG60-1210  
(The Philadelphian Church Age)

BANDANDANI YA LUZAYIKISU YA YESU KLISTO

Nsangu yayi ya Mpangi William Marrion Branham, kulongamaka na Kingelesi, na Kilumbu ya sambanu na nkokila, na kilumbu ya 10 ya Ngonda ya kumi na zole, na mvula 1960, na Branham Tabernacle na Jeffersonville, Indiana, U.S.A., yina bakamaka na bande manietiki mpe basisamaka na muvimba nionso na buku na Kingelesi. Lubangulu yayi na Kikongo basisamaka na buku mpe ba kabulaka yawu na Voice Of God Recordings.

KIKONGO-KITUBA

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)